

Bosna i Hercegovina  
*Federacija Bosne i Hercegovine*  
**ZENIČKO-DOBOJSKI KANTON**  
OPĆINA MAGLAJ  
OPĆINSKO VIJEĆE

Broj: 02-05-1-2515 /19  
Datum, 05.12.2019.godine



Bosnia and Herzegovina  
*Federation of Bosnia and Herzegovina*  
**ZENICA – DOBOJ CANTON**  
MAGLAJ MUNICIPALITY  
MUNICIPAL COUNCIL

### ZAPISNIK

sa 33. sjednice Općinskog vijeća Maglaj  
održane dana 05.12.2019.godine u 09:00 sati u sali  
JU Dom kulture «Edhem Mulabdić» Maglaj

**Predsjedavajuća**, na osnovu člana 59. Poslovnika o radu Općinskog vijeća, zaključaka Kolegija od 27.11.2019.godine, te Programa rada Općinskog vijeća za 2019. godinu, otvaram 33. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih partija SDA-a, SDP-a, SBB, DF, HDZ BiH, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i materijali dostavljeni zastupniku Doma naroda Jasminko Kapić i zastupnica u Skupštini ZDK Emira Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 33. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutan vijećnik Armin Hrnjić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju Zapisnika sa 32. sjednice OV.

Ima li primjedbi?

**Vijećnik Firuz Galijašević**, greška se nalazi, kada se glasalo na prijedlog Načelnika općine gdje stoji Armin Hrnjić da je iz SBB, to je na strani 3, na strani 6. isto tako Armin Hrnjić da je u SBB, tačka 1. 4. dva puta po tačkama 1.a i 1.b, na strani 19. tačka 8. isto tako Armin Hrnjić SBB.

Nije bilo više primjedbi na Zapisnik, uvažavajući ove primjedbe vijećnika Firuza Galijaševića.

Dajem na verifikaciju Zapisnik sa 32. redovne sjednice OV, uz predložene ispravke.

Verifikuje se Zapisnik 32. redovne sjednice OV.

**Glasalo za 24. glasa:** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH) .

**Predsjedavajuća**, otvaram raspravu po pitanju dnevnog reda.

Pristupio vijećnik Hrnjić Armin, tako da Vijeće radi sa 25 vijećnika.

Prije nego pređemo na diskusiju o dostavljenom dnevnom redu, moram sugerisati na tehničku grešku koju smo napravili u formulaciji naslova za dvije tačke dnevnog reda, a to je tačka 2. i tačka 8. koje bi po dostavljenom materijalu trebale nositi slijedeće naslove:

Tačka 2. bi se trebala zvati Odluka o davanju saglasnosti za pokretanje postupka u formiranju Podružnice JU Dom kulture „Edhem Mulabdić“ Maglaj – Podružnica „Sportska dvorana „, Maglaj, u skladu sa zaključcima koje smo donijeli na Kolegiju u pripremi za ovu sjednicu, tačka 8. umjesto Informacija – Godišnji program rada JU „Dječiji vrtić“ Maglaj za školsku 2019/2020.godinu, tačka bi se trebala zvati Informacija o usvajanju Godišnjeg programa rada JU „Dječiji vrtić“ Maglaj za školsku 2019/2020.godinu.

Ukoliko je potrebno direktorica JU je tu pa može obrazložiti, jer mi zapravo samo konstatujemo da je to prošlo sve propisane procedure.

Otvaram raspravu po pitanju dnevnog reda, nema sugestija, molim vas da uvažite ove tehničke ispravke za ove dvije tačke iz dnevnog reda, materijali su dostavljeni ovako kako sam navela u izmjenama.

Ko je za usvajanje dnevnog reda za današnju sjednicu, uvažavajući tehničke ispravke uz konstataciju da nam se pridružio i Hrnjić Armin.

## DNEVNI RED

1. Periodični finansijski izvještaj o izvršenju Budžeta/Proračuna Općine Maglaj za period 01.01. – 30.09.2019. godine;
2. Prijedlog Odluka o davanju saglasnosti za pokretanje postupka u formiranju Podružnice JU Dom kulture „Edhem Mulabdić“ Maglaj – Podružnica „Sportska dvorana „ Maglaj;
3. Prijedlog Odluke o gubitku statusa javnog dobra u općoj upotrebi („Uborak“ „Krbulja“);
4. Prijedlog Odluke o gubitku statusa javnog dobra u općoj upotrebi „Liješnica“;
5. Prijedlog Odluke o prodaji nekretnina neposrednom pogodbom Andrić (Branko) Patriku iz Žepča, radi oblikovanja građevinske parcele;
6. Rješenje o formiranju Stručne komisije za legalizaciju bespravno izgrađenih građevina i bespravnih zahvata;
7. Informacija o početku aktivnosti na izradi Strategije razvoja općine Maglaj 2021-2027. godine;
8. Informacija o usvajanju Godišnjeg programa rada JU Dječiji vrtić Maglaj za školsku 2019/2020.godinu;
9. Informacija o stanju obrta, malog i srednjeg poduzetništva na općini Maglaj;
10. Informacija o poticajima u poljoprivrednoj proizvodnji na području općine Maglaj u 2019. godini;
11. Informacija o stipendiranju studenata sa teritorije općine Maglaj za školsku 2018/ 2019.godinu;
12. Informacija o priznavanju prava na novčanu egzistencijalnu naknadu demobilisanih branitelja;

**Glasalo za 25. glasa:** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik), Josip Jurišić (HDZ BiH) .

**AD – 1** Periodični finansijski izvještaj o izvršenju Budžeta/Proračuna Općine Maglaj za period 01.01. – 30.09.2019. godine;

Otvaram raspravu

**Vijećnik Mirza Bradarić**, Klub SDP-a će prihvatiti ovaj Periodični finansijski izvještaj i sugestivno želim reći Načelniku da i dalje nastavi po pitanju ovog utroška budžetskih sredstava kao što je i do sada bilo i naravno da taj utrošak budžetskih sredstava bude i dalje raspoređen na području čitave općine Maglaj.

**Vijećnik Safet Jašić**, iz razloga koje smo naveli i kod Izvještaja o izvršenju Budžeta za period 01.01. – 30.06.2019.godine, Klub vijećnika SDA neće podržati Periodični finansijski izvještaj o izvršenju Budžeta/Proračuna Općine Maglaj za period 01.01. – 30.09.2019. godine.

**Vijećnik Hajrudin Fermić**, želim da kao vijećnik DF izađem i obznanim da ću prihvatiti sugestiju, prijedloge kolege iz SDP-a i prihvatiti ću i ovaj Periodični finansijski izvještaj o izvršenju Budžeta/Proračuna Općine Maglaj za period 01.01. – 30.09.2019. godine, uz sve ono što je kolega Bradarić istakao.

Želim da napomenem, da skrenem pažnju na jedan detalj, koji sam uočio prilikom analiziranja ovog izvještaja, a taj detalj se odnosi na broj uposlenih u tabeli 3. u općinskoj administraciji. Tamo sam primjetio da je za prvih 9 mjeseci u odnosu na prethodni period povećana stavka u Budžetu za nekih 62. hiljada KM, a da je broj zaposlenih u odnosu na isti period iz prošle godine sa 78 povećano na 82 zaposlena. Kako stoji tamo, to je prosječan broj fonda sati u tom periodu.

Želim napomenuti ovdje da je recimo 2012.godine, broj uposlenih u općinskoj administraciji, govorim sa pripadnicima Profesionalne vatrogasne jedinice bio 78, da je u 2016.godini dakle, kada je preuzimao ovaj novi saziv vijeća i Načelnika, taj broj bio 77, da je 2017.godini bio 76, a također u prva tri mjeseca 2018.godine bio je 76. Podsjetit ću na jedan standard koji nije zakonski, ali je standard evropske unije, a to je da na svakih 500 stanovnika dođe po jedan zaposleni u administraciji, lokalnoj samoupravi. Tako u Tešnju na 46.000 stanovnika ima 96 zaposlenih, što znači da je na 473 stanovnika 1 zaposleni. U jednom Bužimu na 19.300 stanovnika zaposleno je 43 administrativca, odnosno 448. U Kaknju je 79 zaposlenih na 37.000 stanovnika, što je 468. U Maglaju je jedan zaposlen na 280 stanovnika. Namjerno ovo govorim da bi se uporedili i da bi se imali određeni pokazatelji itd.. Našao sam podatke da trenutno u RS ima višak 1510 zaposlenih u općinskoj administraciji. Oni koji su u EU, Hrvatska imala je preko 16.000 zaposlenih i 10 godina su rješavali i još nisu riješili problem viška, što je bio uslov ulaska u EU. Uzimali su ogromne kredite od Evropske banke da riješe taj višak. Dakle, da ne dužim puno, kad se sabere broj zaposlenih, kad se uzme da je relativno podmlađen ovaj kadar ovdje u našoj

općinskoj administraciji u prethodnom periodu, može se desiti da vrlo skoro u BiH da dođe do problema viška uposlenih u općinskim administracijama. Sugeriram da kad se pristupa za novim zapošljavanjima da se uvijek radi oprezno, da se uvijek radi analitično, da se uvijek radi sa nekim procjenama koliko je to potrebno da bi se poboljšao, povećao, unaprijedio stepen usluga koje se pružaju građanima i koliko treba uraditi, eventualne modernizacije u reorganizaciji organa uprave. Ja bih volio da se ovom u narednom periodu najozbiljnije, ne sumnjam da se ne radi to i sad, ali najozbiljnije vodi računa i sugeriram da isto tako pristupaju ovom problemu uz dodatna zapošljavanja sve javne ustanove i preduzeća.

**Načelnik općine,** zahvaljujem se na podrški za izvještaj izvršenja Budžeta za 9 mjeseci.

Samo bi malo prokomentarisao ovo što je iznio dopredsjedavajući. Radi se o ciframa 82 je bilo u tom trenutku sad nije. Mi se zadržavamo otprilike na onom broju koji je bio 2016.godine. Trenutno, pošto prijem ide preko Agencije za državnu službu i traje po 7-8 mjeseci, ako hoćete nešto uraditi morate uraditi blagovremeno, mi moramo ranije primiti nekog da počne raditi. Evo sad krajem godine dvije osobe odlaze u penziju. Imate jednu osobu koja je na dugogodišnjem bolovanju, ja ne znam da li je ta osoba radila par dana kako sam ja Načelnik. Dakle mi se zadržavamo na tom dijelu. Slažem se, standard jeste 2 na hiljadu stanovnika u Evropi, ali još uvijek nismo Evropa. Vi znate koliko samo Služba za društvene djelatnosti dobija posla od ministarstava da radi, mogla bi biti prepolovljena i držati se standarda evropskog, da ne radi sve pripreme za sve akte koji idu prema ministarstvu, te svi završetci što ministarstvo odradi ide preko Službe. Šareni brojevi između općina zavise od toga kako je koja ustrojena kad je u pitanju sistematizacija i organizacija. Imate općina koje imaju odvojene Agencije za lokalni ekonomski razvoj i to je na Budžetu i to Općina finansira, ali se ne vodi kao broj uposlenih u Općini, nego se vodi kao zasebna agencija. Primjer Centar za socijalni rad, mogla je biti ili je možda nekad i bila unutar općinske administracije, sad je odvojen. Općina ga finansira u 100% iznosu, ali se ne računa kao da su uposlenici Općine. Takav vam je slučaj i sa Profesionalnim vatrogasnim jedinicama, neko ih vodi unutar Općina, a negdje su odvojene od strukture Općine, tako da zadržavamo se tu na tom nivou koji je bio i vjerujte s obzirom na brojeve predmeta i neusaglašenost zakonskih procedura na ovako komplikovanim nivoima vlasti proći će još dugo vremena da se u BiH može prihvatiti evropski standard. To zahtijeva puno više pravne države, puno više usaglašene zakonske regulative i puno drugih procesa, pa čak i pojedini zakoni koji se odnose i na lokalnu zajednicu i na kancelarijsko poslovanje, zahtijevaju komplikovanije sisteme nego što bi eventualno u konačnici mogli biti.

**Predsjedavajuća,** nije bilo konkretnih prijedloga, bilo je sugestija od strane dopredsjedavajućeg koje je Načelnik i prihvatio, te prijedlog Kluba SDP-a da se usvoji Izvještaj o izvršenju Budžeta. Na glasanje stavljam Periodični finansijski izvještaj o izvršenju Budžeta/Proračuna Općine Maglaj za period 01.01. – 30.09.2019. godine, te molim da se uobzire iznesene sugestije.

## ZAKLJUČAK

**1.1.Usvaja se** Periodični finansijski izvještaj o izvršenju Budžeta/Proračuna Općine Maglaj za period 01.01. – 30.09.2019. godine;

**Glasalo za 14 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

**AD – 2** Prijedlog Odluke o davanju saglasnosti za pokretanje postupka u formiranja podružnice JU Dom kulture „Edhem Mulabdić“ Maglaj - Podružnica „Sportska dvorana“ Maglaj;

**Vijećnica Svjetlana Zamboni,** ja se nadam da su predsjednici klubova ostatak vijeća upoznali sa zaključcima Kolegija koji su doneseni na sjednici Kolegija i da vijećnike upoznam, da je sastanak koji je dogovoren na sjednici Kolegija održan sutradan ujutro. To je bila sjednica na kojoj su prisustvovali svi relevantni ljudi koji su mogli dati svoje mišljenje i ukazati na zakonske procedure u ovakvim postupcima. Na tom sastanku koji je prouzrokovao zaključak Kolegija donesen je prijedlog da se uđe u proceduru, odnosno da se donese Odluka o davanju saglasnosti za pokretanje postupka u formiranju Podružnice JU Dom kulture „Edhem Mulabdić“ Maglaj-Podružnica „Sportska dvorana“ Maglaj. Uporište u ovim odlukama nalaze se u zakonima, to nisu bile proizvoljne odluke. Dakle, uporište je prije svega u Uredbi sa zakonskom snagom koja reguliše oblast djelovanja i rada ustanova njihovu organizaciju itd. tako da će se na narednim sjednicama Vijeća ukoliko Vijeće donese ovu Odluku, naći sve odluke koje regulišu i interno ustanovu i ovu proceduru koja će nadam se i uslijediti za dobrobit JU Dom kulture.

Ono što je važno i što leži u pozadini svega ovoga, nakon što smo imali i najduži Kolegij do sada, sva diskusija se i svela na ovo pitanje, jeste da su nastojanja menadžmenta ustanove i direktorice ali i UO zapravo da se prihod JU podigne na što viši nivo, ali da on bude uokviren u zakonom propisane te okvire. Da ne izlazimo izvan zakona, te da se ne dovodimo u situaciju da poslujemo na način koji nije propisan zakonom i to je zapravo ono čemu će ovaj postupak i voditi. Ja vas molim da podržite tu odluku jer ovo je ono što zakon propisuje i nalaže, dakle, slijedimo samo ono što nam je i činiti po propisima.

Otvaram raspravu

**Vijećnik Safet Jašić**, kad je ovaj materijal u pitanju Klub vijećnika SDA se neće upuštati u ovakve poteze jer imali smo i ranije pa vraćali nazad itd. da ne bi mi snosili nekad dio odgovornosti. Klub vijećnika SDA je protiv Odluke o osnivanju Podružnice JU Dom kulture „Edhem Mulabdić“ Maglaj – podružnica „Sportska dvorana“ Maglaj, pošto ne vidimo nikakvu svrhu osnivanja Podružnice „Sportska dvorana“ Maglaj, a interesantno je da ne postoji ni obrazloženje šta je cilj, razlozi, koji su to efekti, mislimo na pozitivne efekte kad je u pitanju osnivanje ove Podružnice. Sportska dvorana je već dugo, praktično od početka vašeg mandata tzv. Politička dvorana, a građani Maglaja to dobro znaju i mi ne želimo učestvovati u ovakvim avanturama da ne kažem.

**Vijećnica Svjetlana Zamboni**- ispravka krivog navoda i replika

Ne bih prođubljivala ovu diskusiju, pošto odluka koja se nalazi pred nama danas glasi: Odluka o davanju saglasnosti za pokretanje postupka u formiranju Podružnice JU Dom kulture „Edhem Mulabdić“ ne donosimo odluku o formiranju i jako je važno da se to zna i naglasi danas ovdje, a ne mogu da repliciram da je to politički kako već reče igralište ili kako ste kazali. Samo vas molim da obratite pažnju na naslov Odluka o davanju saglasnosti za pokretanje postupka u formiranju Podružnice JU Dom kulture „Edhem Mulabdić“- Podružnica „Sportska dvorana“ Maglaj.

**Predsjedavajuća**, zaključujem raspravu i dajem na glasanje

## Z A K L J U Č A K

### 2.1. Usvaja se Odluka o davanju saglasnosti za pokretanje postupka u formiranju Podružnice JU Dom kulture „Edhem Mulabdić“- Podružnica „Sportska dvorana“ Maglaj.

**Glasalo za 14 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

**AD – 3** Prijedlog Odluke o gubitku statusa javnog dobra u općoj upotrebi („Uborak“ „„Krbulja““).

Otvaram raspravu

**Vijećnik Safet Jašić**, mi smo vidjeli o čemu se radi i što se tiče Klub vijećnika SDA prihvata prijedlog Odluke o gubitku statusa javnog dobra u općoj upotrebi („Uborak“ „„Krbulja““).

**Predsjedavajuća**, zaključujem raspravu i dajem na glasanje

## Z A K L J U Č A K

### 3.1. Usvaja se Odluka o gubitku statusa javnog dobra u općoj upotrebi („Uborak“ „„Krbulja““).

**Glasalo za 25. glasa:** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Ferić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bežić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

**AD – 4** Prijedlog Odluke o gubitku statusa javnog dobra u općoj upotrebi „Liješnica“;

Otvaram raspravu

**Vijećnica Selma Avdić**, Klub vijećnika SDA prihvata prijedlog Odluke o gubitku statusa javnog dobra u općoj upotrebi „Liješnica“.

**Predsjedavajuća**, zaključujem raspravu i dajem na glasanje

## Z A K L J U Č A K

### 4.1. Usvaja se Odluka o gubitku statusa javnog dobra u općoj upotrebi

**Glasalo za 25. glasa:** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

**AD – 5** Prijedlog Odluke o prodaji nekretnina neposrednom pogodbom Andrić (Branko) Patriku iz Žepča, radi oblikovanja građevinske parcele;

Otvaram raspravu

**Vijećnica Selma Avdić**, Klub vijećnika SDA prihvata prijedlog Odluke o prodaji nekretnina neposrednom pogodbom Andrić (Branko) Patriku iz Žepča, radi oblikovanja građevinske parcele i predlažemo da cijena 1 m<sup>2</sup> iznosi 100,00 KM.

**Predsjedavajuća**, imamo procjenu Komisije za promet nekretnina, dobili ste je na stolovima. Da li ima drugih prijedloga po pitanju cijene.

**Nedžad Čatić**, što se tiče cijene, Služba je tražila tržišnu cijenu od Komisije za procjenu nekretnina i mi smo dobili da je to cijena 80,00 KM/m<sup>2</sup>. Vijeće donosi cijenu, to je prijedlog, a do vas je da se izjasnite koja će to biti cijena. Služba je imala prijedlog, ali i to ne može biti preko 100,00 KM. Obzirom da smo mi kupovali po 100,00 KM, ne baš u toj zoni nekih 100 metara dalje. Znaite koja je lokacija, to je Ulica 1. Marta prema Bosanskoj ulici, a mi smo kupovali u ovom dijelu od Konzuma prema T-objektima i plaćati 100,00 KM.

**Vijećnik Hajrudin Fermić**, podržavam prijedlog Kluba SDA po pitanju cijene. Smatra mi se izuzetno principijelni stav kad je u pitanju visina cijene. Mi ne smijemo da zaboravimo prije svega da smo prodavali građevinsko zemljište po cijeni od 70,00 KM/m<sup>2</sup> za one koji su već imali izgrađene garaže i koji su legalizovali na taj način. I tad smo vodili dosta dilema i diskusija o tome. Ono što želim da napomenem, ovaj kvalitet bez obzira što se radi o ovakvom dijelu zemljišta, ovo je izuzetno kvalitetno i nije malo kvadrata 77 m<sup>2</sup>, gdje se može dosta toga dograditi, urediti itd. i smatram da je ovo minimalna cijena od 100,00 KM/m<sup>2</sup>, a da ne zaboravimo da je ovo i II zona, a u I zoni bez 120,00 KM/m<sup>2</sup> mi ne razgovaramo i zbog toga je važno. I treći momenat je da je to prihod općinski.

**Načelnik općine**, želim reći da ste u pravu to je zona gdje Općina kupuje zemljište po 100,00 KM/m<sup>2</sup>. Ne želim pravdati Komisiju, to je stručna komisija i oni su se vodili drugim podacima. Za ovih 77 m<sup>2</sup>, vode se dvije kategorije zemljišta, pa su se oni držali kategorija. Ovdje nema nikakve kategorije zemljišta, ovdje ima parcela, plac koji se oblikuje u kojoj se zoni nalazi i u toj zoni smo mi plaćali i iduće godine ćemo plaćati zemljište po 100,00 KM/m<sup>2</sup>. Nema potrebe da mi previše raspravljamo, na ovoliko kvadrata nije to velika razlika i možemo napraviti veću štetu ukoliko mi spustimo, prihvatimo, kako ćemo mi sebi objasniti da kupujemo po 100,00 KM/m<sup>2</sup>, a prodajemo po 80,00 KM/m<sup>2</sup>.

**Predsjedavajuća**, zaključujem raspravu i dajem na glasanje

## Z A K L J U Č A K

### 5.1. Usvaja se Odluka o prodaji nekretnina neposrednom pogodbom Andrić (Branko) Patriku iz Žepča, radi oblikovanja građevinske parcele.

**Općinsko vijeće utvrđuje cijenu od 100,00 KM/m<sup>2</sup>.**

**Glasalo za 25. glasa:** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

**Pauza za Klub SDA**

**AD- 6** Rješenje o formiranju Stručne komisije za legalizaciju bespravno izgrađenih građevina i bespravnih zahvata;

Otvaram raspravu

**Vijećnik Hajrudin Fermić**, kad govorim o prijedlogu ovog dokumenta, ne znam na koga bih bio ljut, da li na Skupštinu ZDK, na Vladu Kantona, na resorno Ministarstvo, na Općinu, Općinsko vijeće itd. A čini mi se da je adresa Vlada ZDK, odnosno Skupština koja je tijesnom većinom usvojila ovu Odluku o legalizaciji bespravno izgrađenih objekata na području ZDK i slažem se sa cijelom opozicijom, svim opozicionim poslanicima koji su tad tako žustro javno reagovali i na samoj Skupštini, a i poslije toga na pres konferencijama u kojima su govorili da je ova Odluka i neustavna i nezakonita i ja se nadam da jesu i da će pokrenuti postupak ocjene ustavnosti ove Odluke. Naime, oni koji pomno i pažljivo pročitaju vide se nelogičnosti i vide nezakonsku utemeljenost ove Odluke, ne sa Zakonom o prostornom planiranju ZDK, nego sa Federalnim zakonima koji regulišu ovu oblast. To je pod broj 1. Pod broj 2. takva su rješenja pravna, da zapravo apsolutno omogućavaju totalno jednu samovolju svim onim učesnicima u postupku legalizacije omogućavamo a da li će to tako biti ili neće zavisi u najboljoj varijanti, od ove komisije koju bi mi danas trebali da izglasamo. U toj odluci koja nam je pravni osnov za donošenje ovog današnjeg rješenja i stoji da se ona sastoji od pet članova stručnih lica, taksativno pobrojano ko je predsjednik te komisije i koje sve struke moraju tu da budu sa određenim uslovima stručnosti i radnog iskustva. Ja nisam siguran da ovi ovdje članovi komisije koji su nam predloženi zadovoljavaju te uslove, ne znam ni ja osim visoke stručne spreme i godine radnog iskustva na poslovima normative u prostorno planskoj politici. Da uzmemo u obzir hoću da kažem da sam na neki način nezadovoljan što u ovu komisiju ulaze ljudi koji će se pojavljivati u postupku legalizacije bespravno izgrađenih objekata u dvostruko ulazi. Dakle i kao predstavnici stručne komisije za procjenu, a isto tako i ljudi koji su zaposlenici u Službama i koji će rješavati u upravnim predmetima i postupcima. Dakle, dobro bi bilo ako je ikako moguće da su tu negdje jedna ili dvije osobe sa strane uđu u to. Da kažemo od pretpostavke sigurnosti, to je jedna moja dilema, možda i zamjerka.

Druga činjenica u ovoj odluci se govori o poštivanju određenih zakona o prostornom građenju. Nigdje se ne govori o poštivanju Zakona o stvarnim pravima. Ja bih zaista ako ovo rješenje danas se usvoji, volio bih da stručna komisija radi korektno, koliko će to biti moguće i vodi računa o svim aspektima tog Zakona jer znamo, ako se sjetite tog spiska iz 2016.godine znamo koliko je bespravno izgrađenih objekata koji po Zakonu o stvarnim pravima ne mogu i ne smiju biti u fazi ove legalizacije zbog neriješenih drugih pitanja i odnosa.

U svakom slučaju ja bih, radi se o osjetljivom postupku, o osjetljivoj temi radi se o nečemu što je i upitno u nekom narednom periodu, koliko je to zakonito i koliko će to sve proći zakonito i zbog toga bi predložio samo vrlo konkretno i kratko.

Da se u članu 3. ovog Rješenja dodaju riječi: a nadležna Služba će Općinskom vijeću Maglaj najmanje jednom u tri mjeseca dostavljati informaciju, odnosno popis svih pojedinačnih prijedloga Stručne komisije za legalizaciju uz navođenje konačne odluke nadležne Službe po zahtjevu investitora bespravne gradnje.

Sušтина je da mi makar u tri mjeseca imamo informaciju, šta je dokle je došla, koji su problemi, kome se udovoljilo, iz kojih razloga nije, iz kojih razloga jest. Mislim da imamo pravo na tu informaciju i mi i građani.

**Vijećnik Safet Jašić**, što se tiče Kluba SDA ne trebam ni čitati ovaj stav koji smo mi sebi pribilježili i iz istih razloga koji su malo prije izneseni, Klub vijećnika SDA neće podržati ovo Rješenje o formiranju ove komisije. Nismo bili zajedno na Klubu, ali podudaraju se stavovi.

**Vijećnik Mirza Bradarić**, u ime Kluba SDP-a mi ćemo prihvatiti ovo rješenje s tim što se u potpunosti slažemo sa prijedlogom proširenja ovog člana 3. i sa gospodinom Fermićem, jer bilo bi korektno da i mi kao OV, kao vijećnici, imamo zaista informaciju ko je to sve podnio zahtjeve, na osnovu čega, ako je prihvaćeno zašto je prihvaćeno, ako nije, zašto nije prihvaćeno. Definitivno ovom odlukom mi moramo dati na znanje, svima nama, svim građanima općine Maglaj da ipak nešto što se i misli graditi i misli praviti treba ući u proceduru regularno, a ne tek tako napraviti nešto, izgraditi nešto pa onda ići u proces legalizacije. Ako bismo svi tako radili, onda prostorni plan općine Maglaj i samog grada ličio i sveo se na neku normalu.

**Predsjedavajuća**, zaključujem raspravu i dajem na glasanje

## Z A K L J U Č A K

**6.1.Općinsko vijeće traži da se u članu 3. ovog Rješenja dodaju riječi : Nadležna Služba će Općinskom vijeću Maglaj najmanje jednom u tri mjeseca dostavljati informaciju, odnosno popis svih pojedinačnih prijedloga Stručne komisije za legalizaciju uz navođenje konačne odluke nadležne Službe po zahtjevu investitora bespravne gradnje.**

**Glasalo za 14 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

## **6.2. Donosi se Rješenje o formiranju Stručne komisije za legalizaciju bespravno izgrađenih građevina i bespravnih zahvata.**

**Glasalo za 14 glasova za :** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ BiH).

**Glasalo 11 glasova protiv:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 7 Informacija o početku aktivnosti na izradi Strategije razvoja općine Maglaj 2021-2027. godine;

Otvaram raspravu

Nije bilo rasprave, zaključujem tačku i predlažem da se

- Informacija o početku aktivnosti na izradi Strategije razvoja općine Maglaj 2021-2027. godine, se prima k znanju.

AD – 8 Informacija o usvajanju Godišnjeg programa rada JU Dječiji vrtić Maglaj za školsku 2019/2020.godinu;

Otvaram raspravu

**Vijećnik Nedžad Lokmić,** u ime Kluba SDP-a želim istaći da Informacija o usvajanju Godišnjeg programa rada JU Dječiji vrtić Maglaj za školsku 2019/2020.godinu, primamo na znanje, uz čestitke na dobro obavljenom poslu. Sama činjenica da GPR ima 68 strana, da ima saglasnosti koje je pomenula gospođa Predsjedavajuća, dvije tabele sa imenima uposlenih i njihovim normama, sedmičnim fondom sati govore da su se zaista potrudili i u ime Kluba želim im i čestitati i komplimentirati na obavljenom poslu. Informaciju primamo k znanju.

**Vijećnik Hajrudin Fermić,** ovo je jedna od tačaka gdje se očekuje jedno formalno izjašnjavanje ili primanje k znanju ove informacije. Oni koji analitički i pažljivo pročitaju informaciju i kad uporede sa onom informacijom koju smo imali prije, čini mi se dvije sjednice OV, a ticala su se informacije o radu privatnih predškolskih ustanova, onda možemo da vidimo na sonu da je predškolskim odgojem na općini Maglaj obuhvaćeno negdje oko 180 djece u tom periodu od jaslčkog do pete godine, do polaska u školu kako stoji u zakonu. Ako se to uporedi sa brojem djece do polaska u školu na području cijele općine Maglaj, onda možemo izvući procenat te djece koja dođu negdje oko 10% koja su obuhvaćena ovim predškolskim odgojem i obrazovanjem koje je pravo djeteta i koje zajednica ima obavezu i pravo da uređuje. Neću govoriti o onim društvenim, socijalnim, političkim, psihološkim itd. obavezama prema djeci da im se omogući predškolsko obrazovanje. Ono što se iz ove informacije vidi a to je da su kapaciteti JU „Dječiji vrtić“ praktično već puni ko šibica i kad su u pitanju objekti i kad je u pitanju kadrovska struktura. Šta mi kao zajednica, šta JU, šta mi kao osnivač JU možemo uraditi a da li možemo nešto da eventualno proširimo obim pružanja usluga roditeljima na cijeloj općini Maglaj. Vrlo ozbiljno pitanje koje sigurno neće sad ni izazvati ozbiljnu diskusiju, ali pitanje gdje ćemo mi vrlo brzo morati dati odgovore na ta pitanja. Dakle, još uvijek osim onog obaveznog od neke dvije-tri sedmice djece prije početka ulaska i kretanja u OŠ, još negdje oko 1100 djece nije obuhvaćeno predškolskim odgojem i obrazovanjem. Kako da se približimo roditeljima koji su malo dalje po mjesnim zajednicama, koje imaju potrebe da li nekim subvencijama, da li nekim otvaranjem odjeljenja područnih ili podružnica, da li na drugačiji način subvencioniranjem troškova prijevoza prema ovim sjedištima itd. zaista jesu vrlo ozbiljna pitanja i teme i ja bih volio da menadžment, UO JU „Dječiji vrtić“ zajedno sa predstavnicima Službe za društvenu djelatnost u nekih dva-tri mjeseca i daju odgovore na ova pitanja, jer sigurno da će još jedan duži niz godina bit veća potreba za uslugama ustanova predškolskog odgoja, nego što se sad trenutno može to uraditi. Iskreno rečeno ja preferiram, prije svega zbog nekih naših prava, preferiram da se razvija JU „Dječiji vrtić“, a da li je to moguće neko drugi treba dati odgovor, ako nije moguće da vidimo šta uraditi sa ovim privatnim predškolskim ustanovama.

Mislím da ste me razumjeli, a važna su pitanja i na kraju krajeva naša je obaveza i kao lokalne zajednice i samouprave i kao osnivača da o tim ozbiljnim stvarima razmišljamo.

**Vijećnica Šefka Hasanić,** Klub vijećnika SDA nema stav po ovoj tački dnevnog reda iz svima poznatih razloga, a to je trgovina vijećničkim mandatima.

**Dopredsjedavajući,** zaključujem raspravu i dajem na glasanje

- Informacija o usvajanju Godišnjeg programa rada JU Dječiji vrtić Maglaj za školsku 2019/2020.godinu, se prima k znanju.

Uz sugestije: Kako da se približimo roditeljima koji su malo dalje po mjesnim zajednicama, koje imaju potrebe da li nekim subvencijama, da li nekim otvaranjem odjeljenja podružnih ili podružnica, da li na drugačiji način subvencioniranjem troškova prijevoza prema ovim sjedištima itd. zaista jesu vrlo ozbiljna pitanja i teme i ja bih volio da menadžment, UO JU „Dječiji vrtić“ zajedno sa predstavnicima Službe za društvenu djelatnost u nekih dva-tri mjeseca i daju odgovore na ova pitanja,

AD – 9 Informacija o stanju obrta, malog i srednjeg poduzetništva na općini Maglaj;

Otvaram raspravu

**Vijećnik Firuz Galijašević**, raduje činjenica da je naša općina Maglaj najbolja u ZDK kada je u pitanju izvoz, ali isto tako je žalosno da sve općine koje se nalaze u sjevernom dijelu ZDK imaju najmanju ukupnu prosječnu penziju. Klub SDP-a će ovu Informaciju o stanju obrta, malog i srednjeg poduzetništva na općini Maglaj, primiti k znanju.

Vijećnica Ermina Muminović je napustila sjednicu, tako da vijeće radi sa 24 vijećnika.

Pauza Klub SDA.

**Vijećnik Adis Abdurahmanović**, po ovoj tački Informacija o stanju obrta, malog i srednjeg poduzetništva na općini Maglaj iznosim svoj stav.

Kao privrednika raduje me činjenica da je Općina Maglaj dobila prestižni BFC certifikat. Međutim, privrednici očekuju u praksi povoljniji ambijent, kao npr. oslobađanje taksi pri otvaranju novih firmi, da se ubrza procedura papirologije, urbanistička, građevinska i ostala potrebna dokumentacija za izgradnju novih poslovnih objekata, odnosno kraći rokovi za pokretanje biznisa. Očekujemo plan, strategiju razvoja privrede, između ostalog predložio bih i održavanje Tematske sjednice o stanju privrede u općini Maglaj.

**Vijećnica Dženita Smajlović**, Klub vijećnika SDA prima k znanju Informaciju o stanju obrta malog i srednjeg poduzetništva na općini Maglaj, ali ne možemo da ne kažemo slijedeće:

Na jednoj od ranijih sjednica Odluka o sufinansiranju malog biznisa u okviru Start-Up projekta koju nije podržalo Općinsko vijeće je protuzakonito realizovana, a smatramo i očigledno je da su sredstva za ovu vrstu samozapošljavanja dobili samo stranački podobnici.

Drugo, konstantno se spominje privredna zona Novi Šeher i Kosova, a po tom pitanju ne radi se ništa pa bi voljeli, da znamo da li ima nekih aktivnosti na ovim poslovnim zonama, odnosno uspostavljanju ovih poslovnih zona.

**Vijećnik Hajrudin Fermić**, replika, ne znam hoćel neko poslije mene izlaziti na ovu izjavu da je odluka o utvrđivanju, odnosno odluka o subvencioniranju zapošljavanja mladih osoba kroz Start-Up program nezakonita. Dakle, repliciram i ispravljam taj krivi navod i ponavlja se opet jedna praksa o paušalnom političkom i demagoškom etiketiranju tako teškim optužbama. Naime, svi oni koji govore da je nezakonito trebaju da pokažu i dokažu osnov zakona o kojem je neka odluka, neko rješenje nezakonito. Ovdje nećete naći ni jednog osnova, prema tome samo reagujem na tako nešto, jer u Odluci o izvršenju Budžeta za 2019.godinu jasno i decidno stoje nadležnosti u pogledu raspolaganja Budžeta po stavkama, a prije svega Zakon o budžetima i Zakon o izvršenju Budžeta također govori o nekim drugim temama.

**Vijećnik Mirza Bradarić**, ja sam imao samo jedno pitanje, moram se sad malo nadovezati na ovu priču kolega i kolegice. Ovo što kažete da je prikupljanje papirologije jako spor proces u Općini Maglaj neću se definitivno složiti. Mislim da stručni ljudi od mene će tu problematiku objasniti ako je to problematika. Ja moram izraziti svoje lično mišljenje da sam jako razočaran. Neki dan sam gledao prilog na FTV, prilog gospodina Čabrića jako loša je slika neosnovano poslana iz Maglaja, ali mislim da će i o tome drugi nešto reći, tako da ja neću puno zalaziti u tu priču. Ovo što kažete da je nezakonito donesena Odluka, meni zaista nije jasno, jel mi idemo po principu ili prihvatite naš prijedlog ili niko ništa neće dobiti. Ovo što kažete da je nezakonito, ja ću javno izaći i reći prihvatam evo nezakonito urađeno ako zaista dostavite bilo kakav dokaz te nezakonitosti. Kad pitate ove ljude koji su dobili ovu subvenciju, pitajte njih da li išta ta subvencija njima znači. Nisam baš siguran da će iko od njih reći ne, ne znači nam ništa.

I sad za gospodina Bradarića konkretno pitanje na strani 17. Ove Informacije, pročitat ću samo ovaj dio teksta kaže, također je registrovano i deset udruženja građana poljoprivrednih proizvođača. Pa sad nabraja se i između ostalog i udruženje građana Cow How. Ta je firma, zvanično firma postojala prije nekih 15-tak godina u kojoj sam ja zajedno sa kolegom Lokmićem radio u toj firmi. Ta je firma odjednom iz koje kakvih razloga za koje ja ne znam, nisam nikad dobio informaciju jer je direktorica te firme otišla iz Maglaja. Ta firma je ugašena i sad mene interesuje da li je ovo Udruženje građana Cow How sa istim nazivom proisteklo iz te firme i interesuje me gdje je sjedište tog udruženja i ko je predsjednik udruženja građana pod nazivom Cow-How.

**Vijećnica Dženita Smajlović – replika** ako se ova odluka ovako mogla sprovesti bez saglasnosti Općinskog vijeća, ja ne znam zašto smo mi uopšte glasali o njoj i zašto je ona bila na Općinskom vijeću ako su se tako sredstva mogla davati.



**Načelnik općine, - replika** samo na ovo konkretno što je iznijela gospođica Dženita ispred Kluba SDA. Ja ne znam više šta vi u stvari hoćete, šta želite. Čovjek vam ponudi da sve znate, vi to nećete. Zar ste toliko kratkog pamćenja, ja vam iza ove govornice rekao nudim vama kao vijeću da znate o čemu se radi, vi ne donesete tu odluku, ja imam zakonsku ovlast, ja ću je donijeti. Ja vam rekao na vrijeme, a vi lupate ovdje gluposti o stranačkim. Uzmite imena tih osoba, pa vidite ko su i kad zavirili u koju stranku. A te osobe nisu Ibro Mašić koji je dobio tamo, koji je bio vijećnik, pa pogledajte šta ste od čovjeka uradili. To nije onaj mesar koji je skako po ljudima za vas. Ovo su osobe koje ja praktično i ne znam ko su. Nemojte biti kratke pameti. Ovdje vam lijepo rečeno, Načelnik ima ovlast da donese odluku. Ja vam rekao da ću je ja donijeti ako je vijeće ne donese i završena priča. Ako imate nešto da kažete protuzakonito, dajte papir pokažite. Nemojte, lupate gluposti. Nagovori vas tamo neko na ružne stvari i pričate ovdje gluposti.

**Vijećnik Hajrudin Fermić**, pratim sjednice OV od neke 2009.godine neprestano. Znam uvijek po zakonu da je Služba, odnosno nadležni organ predlagao odluke o Budžetu, Budžet za narednu godinu i Odluke o izvršenju Budžeta za narednu godinu. Nikad niko od vas, sad govorim za Klub vijećnika SDA nije A progovorio o Odluci o izvršenju Budžeta. Uvijek je prolazila glat i u ovom mandatu prolazila je glat. U toj Odluci o izvršenju Budžeta za bilo koju godinu i za narednu godinu, decidno jasno stoji čija je šta nadležnost kad je u pitanju raspolaganje Budžetom i zbog toga ja ponavljam još jedanput, Zakon o Budžetima je rekao da mora da postoji Odluka o izvršenju Budžeta. U ovoj Odluci o izvršenju Budžeta stoji da to radi Načelnik, a po potrebi i Općinsko vijeće u pojedinim slučajevima. Imamo tu i šeficu Službe za finansije koja može to puno stručnije nego ja da odgovori. Nažalost, o tom dokumentu vrlo malo se uvijek diskutovalo i diskutuje i raspravlja, a to je suštinski dokument po meni.

**Vijećnik Safet Jašić**, ja ne mogu vjerovat da tako jedna mala sitna stvarčica iz takta može izbaciti tako ljude. Da tako mala stvar izazove ovakve reakcije, ovakve diskusije to nije u redu. Ono što je gospođica Dženita htjela reći da u tom momentu kriteriji koji su bili dati za dobivanje sredstava za novo upošljavanje, nisu u tom momentu zadovoljavali mišljenja Kluba i ne samo Kluba SDA, jer ta odluka nije dobila potrebnu većinu i ništa drugo nije htjela da kaže. Jel Načelnik može to uraditi bez vijeća ili ne, to je druga priča. Ono što može se donijeti i možemo o tome pričati. Ali u tom momentu nije samo Klub SDA imao takav stav, vjerovatno je bio još neko, ja se ne sjećam kakav je ishod bio glasanja, uglavnom SDA nije mogao sam oboriti tu odluku. Niti je htio oboriti, jednostavno se tako dogodilo, spontano se dogodilo da je to bilo 12-12. Nemojte tako na mlade vijećnike, može im se ovo podvaliti pa da kažu manite ovo, nema u ovom društvu perspektive itd. Nemojte tako reagovati, a gospodin Fermić on ne zna malo udariti, on kad udari, on udari cijelu SDA najbrojniju partiju u BiH, pa vjerovatno bi podigao i one mrtve da može i njih kritikovati. U vrijeme SDA zna se šta se radilo, sve što ste mogli uraditi protiv, uradite, krivične ja sam to nedavno rekao, slobodno tražite krivične prijave za koga imate podatke, ali napredak je vidan i napredak je bio, ovo je stanje sad može se mnogo pričati. Ali ono da nije valjalo, to ne smijete govoriti više sigurno i mi ćemo se žestoko suprostaviti ovakvim diskusijama ubuduće.

**Vijećnik Hajrudin Fermić, - replika** nema niko namjeru da bilo koga niti ponižava, niti kritikuje, niti vrijeđa. Radi se samo o tome da ukazujemo da je greška vijeća u prethodnim periodima po meni i ovog vijeća je u tome što jedan strateški važan dokument Odluka o izvršenju Budžeta, prolazi tek tako praktično bez ikakve rasprave, a u ovoj odluci sažeto je sva filozofija, pamet i mudrost korištenja budžetskih sredstava tokom neke godine. Ono što ja želim da kažem i što sam rekao i što ponavljam, Odluka po kojoj je raspisan javni poziv za Start-Up – finansijska sredstva Start-Up programa nije nezakonita, a vi već nekoliko puta pominjete da su donesene odluke ovdje nezakonit, gdje se ja smatram oštećenim i ja samo reagujem na to jer ni jednu odluku ja nisam glasao ako je nezakonita.

**Vijećnik Safet Jašić, replika** – ja tvrdim da nije tačno da nikad niko iz SDA nije ustajao po pitanju Budžeta. SDA je imala u prethodnim periodima izuzetno vrsne ekonomiste u Vijeću, o službama neću da govorim, službe rade svoj dio posla. U ovome momentu u ovom sastavu niti vi imate, niti mi imamo ekonomistu, tako realno treba govoriti. SDA nemoj da vam nabrajam ko su sve bili vrsni ekonomisti u vijeću. I te kako se diskutovalo i opozicija i ljudi su konstruktivno djelovali i radili i na kraju bilo je i kritikovanja. Ja sam ovdje 18 godina i uvijek je tako bilo i na kraju se dogovorom sve dešavalo i malte ne da je jednoglasno svaki Budžet usvojen. Možda posljednji mandat nije, a ono sve prije. Ne bi ja vas zamarao i mi smo ovaj mandat proveli skoro cijeli i hoćemo da budemo konstruktivni i hoćemo da bude bolje građanima i tako nas i posmatrajte.

**Vijećnik Elvir Vehabović**, mislio sam odustat, pošto je gospodin Fermić već nešto napomenuo ali da i ja ponovim. Zamolio bih sve kad nešto kažu da je nezakonito da dokažu na osnovu kojeg je zakona nešto nezakonito da se ne lupeta ovdje terminima, krivično i ovo ono.

**Ferhat Bradarić**, kad je u pitanju ova Informacija, ovdje se radi o jednoj sveobuhvatnoj informaciji koja tretira sve segmente privrednog života na općini Maglaj zasnovana egzaktnim podacima od strane državnih institucija, federalnih, kantonalnih, nadležnih zavoda za programiranje razvoja, znači svi oni podaci koji se dobijaju putem finansijsko informacijskih agencija, znači od strane naših privrednih subjekata koji su dužni da dostavljaju svoje završne izvještaje o poslovanju za prethodne godine. Sve te analize su sumirane i kao takve su svedene na području općine Maglaj.

Kad je u pitanju poslovni ambijent i procedure registracije privrednih subjekata, moram odmah demantovati obzirom da dolazim iz Odjeljenja gdje se ti poslovi rade. Ti poslovi se rade prontno, uglavnom u kratkom roku, obično su to djelatnosti koje se odobravaju u roku od 24 sata, ako ne u toku dana podnošenja zahtjeva, to vjerovatno dešava se u narednom danu. Sve ostale procedure koje su usmjerene od strane Federalne porezne uprave po pitanju fiskalizacije, dobijanja fiskalnog broja, dobijanja ID broja, statističkog broja, su nadležnosti drugih instanci, znači to su procedure koje sam i ja svjedok da traju duže, ali nisu u našoj ingerenciji, nisu u našoj nadležnosti. To su stvari koje su definisane od strane kantonalne i federalnih zakona i propisa. Mi kao lokalna zajednica učestvujemo na sesijama i sastancima koji se organizuju od strane kantonalnih i federalnih ministarstava, i često to sugerišemo kao jednu manjkovitost u našem društvu, obzirom da lokalne zajednice obično završe taj posao u 24 sata, dok ostali nivoi vlasti to znaju produžiti i do desetak dana. Međutim, to nije u našoj nadležnosti i mi ne možemo na to direktno uticati, ali možemo ovako indirektno.

Kad je u pitanju procedure donošenja akata po pitanju poslovnih zona, mi smo prije nekih par godina pripremili, fokusirali smo se na jednu poslovnu zonu, konkretno na Poslovnu zonu Misurići i ta poslovna zona uspješno je implementirana. Ona je negdje na stepenu popunjenosti 90%. Postoji određen broj naših privrednih subjekata koji su zainteresovani da onaj dio popune sa svojim proizvodnim halama i to su neke aktivnosti koje su u toku. Trenutno se vode aktivnosti na izgradnji i uređenju Poslovne zone Liješnica 2, znači izgradnji saobraćajnica kroz poslovnu zonu, izgradnje ostale infrastrukture. Mi smo shodno tome ove godine aplicirali na dva projekta i dobili smo podršku od strane Kantonalnog ministarstva za privredu u iznosu od 142.000 KM i trenutno u fazi ocjene je naša aplikacija kod Fed. Ministarstva i poduzetništva znači, imali smo prije desetak dana njihovu eksternu posjetu od strane tri službenika od strane Ministarstva. Obišli smo poslovne zone i dobili smo veoma visoku ocjenu za kvalitet izvedenih radova i stepen izvještavanja koji smo bili kao takvi u obavezi. Mislimo po nekom planu aktivnosti da bi u narednih dvije godine ovu zonu uspjeli da završimo u 100% iznosu. Nakon toga je fokus na poslovnu zonu Novi Šeher, Kosova, na isti način kao što su se radili Misurići, Liješnica tako i ove ostale zone. Mi na području općine Maglaj imamo deset zona rezervisanih za poslovnu izgradnju. Ove četiri se nameću kao najznačajnije bez umanjivanja poslovne zone Čakalovac gdje se nalaze firme Feram, Art ajron i ostale Tukovi, Moševac i sl.

Kad je u pitanju Starter 2019.godine, konkretno i ja sam tu bio ezan za donošenje ovog akta, a program poticaja mladih poduzetnika na području općine Maglaj poznat pod nazivom Starter 2019. zasnovan je na Odluci o izvršenju Budžeta Općine Maglaj za 2019.godinu, gdje je tačno u članu definisano da Načelnik općine donosi programe poticaja. Shodno tom donesenom programu koji je u svom sadržaju 99% identičan kroz čitav niz prethodnih godina, raspisan je javni poziv gdje je bilo prijavljeno 15 potpunih aplikacija i 2 nepotpune aplikacije i od tih 15 aplikacija po metodi i ocjeni koji je zasnovan na sistemu ocjenjivanja iz prethodnih godina. Svi su ocijenjeni kao pozitivni, naravno s nekakvim kvalitetom investicije, stepenom ulaganja, starosne dobi, teritorijalne zastupljenosti. Napravljen je rang lista koju je Komisija kao takva predložila Načelniku općine. Obzirom da je u Budžetu bilo predviđeno 20.000,00 KM, prijedlog komisije je bio da zbog kvalitete projekata se podrži sedam biznis planova po 3.000, sa 1.000 KM iz budžetske rezerve, tako da mi već danas imamo sedam novih mladih privrednih subjekata koji kao takvi egzistiraju od čega je 7 vezanih obrta i jedan je iz oblasti trgovine. Tako da tu ne vidim ništa sporno, vjerovatno će naš prijedlog za iduću godinu biti da se taj iznos poveća. Mi smo razgovarali sa predstavnicima Biroa, interes mladih ljudi da to možda u narednom periodu bude neki veći iznos, što bi bilo značajno za naše mlade ljude i želje da pokrenu privatni biznis, a ta finansijska injekcija im je veoma bitna.

Kad je u pitanju Udruženje građana Cow Hou, udruženja građana se registruju na Kantonalnom ministarstvu za pravosuđe po Zakonu o udruženjima i fondacijama. Mi na području općine Maglaj imamo deset udruženja poljoprivrednih proizvođača i tri zemljoradničke zadruge koje su registrovane kao pravna lica. Jedno od tih udruženja je Udruženje Cow Hou. Kroz našu analizu njihovog egzistiranja na području općine, oni su negdje 15 godina aktivni ovdje na području općine. 2008. ili 2009. ne znam tačno koja godina, a Zakon dozvoljava tu opciju, oni su registrovali privredno društvo d.o.o. Cow Hou koje je bilo registrovano za ostvarivanje statutarinih programskih ciljeva udruženja i kao takvo zakon to dozvoljava. Udruženje građana može to da registruje kao poljoprivredno društvo koje može da obavlja privrednu djelatnost, a da su ostalu dobit i profit koje to društvo ostvari tokom svog poslovanja se usmjerava u statutarne ciljeve za koje je i osnovano to udruženje. Ta firma Cow Hou je objavljena na Općinskom sudu, tadašnjem Kantonalnom sudu u Zenici gdje je i registrovana prije 7-8 godina, a ovo Udruženje građana po našim evidencijama koje mi dobijamo od strane Ministarstva pravosuđa i dalje egzistira i predsjednik mislim da je gospodin Munib Jusufbašić. Obzirom da Ministarstvo pravosuđa po sili zakona objavljuje sva ona udruženja koja ne podnesu izvještaj o poslovanju za prethodnu godinu, mislim da na tom principu funkcioniše. Znači ne može postat udruženje za čitav niz godina a da nema nikakve aktivnosti i onda podnosi finansijske izvještaje. Mislim da kod njih se prihvataju finansijski izvještaji, ako je nula, ali mora se ispoštovati ta zakonska procedura, tako da smatramo također da na ovom prostoru ima dosta prostora za razvoj, a bit će i naredna tačka pa ne bi o poljoprivredi.

Ja tih također spomenuo da smo mi svi u prošloj godini da ova analiza tretira 2018. i prvu polovicu 2019.godine u svim segmentima pokazuje trend rasta i razvoja, znači pokazuje bez obzira na sve te negativnosti koje se dešavaju u društvu po pitanju odlaska mladih. Imamo porast broja registrovanih privrednih subjekata, porast broja

privrednih društava, porast broja mladih ljudi koji pokreću privatni biznis. Postoji određeni broj stranih investitora koji su zainteresirani za dolazak u Maglaj, mi o tome ne bi sad govorili direktno da ne bi te stvari poremetili tim ljudima. Uglavnom postoji interes, postoji pozitivna priča, stepen pokrivenosti kao što je napomenuo gospodin Galijašević izvoz uvozom je 346%, za nekih 50% veći u odnosu na 2017.godinu. Znači, naši privredni subjekti koji rade, koji izvoze su u stalnom trendu rasta, što možete vidjeti. Mi smo dali kroz one podatke finansijske informacijske agencije, znači da otprilike vidite da je to nekakav trend rasta, ali naravno dali smo i par smjernica za rasterećenje privrede, obzirom da sama akumulacija kod privrednih subjekata je osnov za ubiranje poreza za veći javni prihod, tako da na tom polju se može nešto poraditi.

**Vijećnik Safet Jašić**, kad su u pitanju udruženja na općini Maglaj, malo je gospodin Bradarić rekao na tu temu i zaista je i predložio bi Službi ako ima mogućnosti ova udruženja na općini Maglaj koja egzistiraju i nekim dijelom se finansiraju iz Budžeta Općine Maglaj da Služba, odnosno stručni ljudi iz te službe predlažem da ne bi bilo loše da svake godine dolazimo u zabludu koje udruženje je aktivno, koje nije itd. da se ta udruženja stave na neki papir, da se napravi lista tih udruženja i da se posjete ta udruženja, da vidimo koliko oni žive, šta rade, čime se bave i koliko imaju čega od onoga što je zabilježeno i što se vodi na evidenciji ovdje po našim općinskim službama. Mislim da bi mi došli do jednog dobrog kvalitetnog podatka po tom pitanju. Ovdje zaista ima dilema jel radi, ne radi, a ja znam da ima udruženja nekih koja ne rade, na cijeloj općini može se toga naći, pa bili bi čisti, ako ništa drugo bar bi ih natjerali da rade. U nekom narednom periodu ja očekujem tako nešto od službe.

**Jasmin Begić**, pošto ja nisam političar kao što ste vi, obzirom da mi je ovo prvo obraćanje valjda ćete mi halaliti i ako šta pogriješim.

Obraćam se Vijeću u funkciji v.d. predsjednika Udruženja poslodavaca „15.maj“ Maglaj. Shodno tome i ovoj tački dnevnog reda, dok ste vi izlazili, ja sam nešto sebi pripremio ovdje, vezano za ovu tačku dnevnog reda iz materijala sam vidio da kotiramo na dnu ljestvice ZDK odmah uz općinu Vareš, Olovo, Usoru i Brezu. Iz navedenog se vidi da općinski organi na čelu sa Načelnikom nisu radili ništa novo da olakšaju nama privrednicima za ove tri godine. Iskreno rečeno, mi smo privrednici dosta toga uložili truda i svega ostalog da dođe do novog načelnika, međutim nismo zadovoljni sa ovim. Velikih stranih investicija nema, nemamo ih čime ni privući, kad se nameti u našoj općini svaki dan povećavaju. Tako sada nakon 11 godina od donošenja Odluke o odvozu komunalnog otpada ista se uzela sada primjenjivati. Čim se nije primjenjivala 11 godina, znači nije bila svrsishodna i kao takva se sad počela provoditi parcijalno tj. ne u cjelosti. Po domaćinstvima se ne primjenjuje, a zato može po lojalnim i legalnim privrednicima koji sada dobijaju veće račune za smeće nego za struju. Treba sjesti i u miru donijeti novu odluku o čemu smo pisali i obavijestili i vas Općinsko vijeće i Općinskog načelnika i direktora KJD. Do sad nismo dobili nikakav odgovor na to i predlažem i sad javno da sjedne struka, da sjedne stranovništvo i privrednici da donesemo novu odluku koja će biti svrsishodna i koja će se koristiti u cjelosti, a ne kao švedski sto, što nekom odgovara da uzme, što nekom ne odgovara da ne uzme. Tu nije kraj donošenju novih i izmišljenih nameta. Tako je Ustavni sud ukinuo taksu koja se popularno zove KGZ tj. Općina je ne smije više naplaćivati. Da bi naši općinski organi je drugačije nazvali i sad se zove komunalna naknada i sad je veća nego KGZ. To nama privrednicima donosi dodatne namete i otežava nam poslovanje.

Jedno pitanje, da li se sa ovakvim privlače strani investitori. Još jedno pitanje za sve vas i OV. U obilasku naših privrednika na selu i našom inicijativom da zajednički ulažemo za hladnjače u hale i sve to, isti su odgovorili da i sada otplaćuju kredite koje su morali dići da bi učestvovali u asfaltiranju ulica i ulične rasvjete. Dokle će ljudi koji žive na selu biti diskriminirani u odnosu na ljude koji žive u gradu. Da bi se neka ulica asfaltirala na selu ili imala uličnu rasvjetu mještani moraju skupiti znatna novčana sredstva kako bi isto bilo urađeno, dok ljudi koji žive u gradu nikad nisu ni pomislili da sufinansiraju asfaltiranje neke ulice ili ulične rasvjete. Istim tretiranjem svih mještana Maglaja imali bi više poduzetništva na selu nego što imamo sad. Ovo molim vas da se osjeti kao pozitivna kritika da bi nam svima bilo bolje.

Vezano za prilog FTV na kojem sam ja kao v.d. predsjednik udruženja privrednika dao izjavu, ne bi želio da mi soli pamet neko ko nikad nije uplatio jedan doprinos za radnika i da govori o poduzetništvu i nečemu ljudi koji su na budžetu.

**Vijećnik Elvir Vehabović**, gospodine Begiću ja ću vam odgovoriti. Ja radim u javnoj instituciji. Imam 10-11 godina iskustva, imam diplomu, završio fakultet i nigdje drugo ne mogu raditi kod nas ovdje, nego u javnoj ustanovi i nemojte vi soliti pamet.

**Vijećnik Muhamed Hrnjić**, želim odmah da kažem da se od diskusije gospodina Begića ograđujem i ne stojim iza ovoga. On zastupa jedno udruženje koje su 2014.godine registrovali firme koje broje samo do pet ljudi. Firme koje broje samo do pet ljudi, koliko ja znam, udruženje koje i sada postoji u većini slučajeva imaju po jednog čovjeka. Za ovom govornicom ovako govoriti da je uspjeh veliki nas privrednika u Maglaju. Razgovarao sam poslije diskusije vaše gospodine Begiću na TV, nemate pozitivno mišljenje svih privrednika, kako ste se vi postavili preko televizije. Nismo, mi se ograđujemo od vaše diskusije i učestvujemo u radu ove općine i vide se naši rezultati. Iako ste malo prije najavili, kad je govoreno o izvozu koje je gospodin Firuz razgovarao i moja firma u ovome sudjeluje. Ne možete onako na televiziji javno zastupat privrednike a ne zastupate nas. Naglasite da vam je firma registrovana i da imate jednog radnika i to je udruženje postojalo zbog kakvih interesa 2014.godine kad je

poplava bila. Imate ljudi u udruženju koji rade kao prosvjetni radnici u školi, a član je vašeg udruženja. I takvi ljudi preko televizije da predstavljaju nas iz Maglaja, mi to nećemo privrednici dozvoliti.

**Vijećnik Mirza Bradarić**, to je bila nekulturna priča malo prije. Ja u svom izlaganju nisam ni u jednom momentu nisam spomenuo Jasmin Begić. Vjerujte sad kad me vučete za jezik, sad bi i te kako mogao. Ja vama solit pamet neću, a nećete ni vi meni, niti sam vam pokušavao solit pamet. Ja nemam uopšte razloga da i za jednog radnika uplaćujem doprinos ili bilo šta, jer za mene uplaćuju, ja sam radnik, ja nisam poslodavac, a isto tako upravo ovo što je gospodin Hrnjić rekao. Vi treba da se ponosite svojim kvazi udruženjem od par ljudi jer se mnogi ograđuju od vas. Ponosite se udruženjem gdje je u rukovodstvu tog udruženja, čovjek koji se vodi kao poslodavac a nigdje ni u poreskoj, ni u bilo kojoj instituciji njegovo ime i prezime ne postoji, zato što je na nekom drugom imenu ta radnja, a čovjek radi ko fol na budžetu i predstavlja privrednike. Molim vas, obratite se takvim ljudima, a ako budete nastavili dalje s pričom, evo ja ću ovdje prekinuti, znači nisam vas prozvao, pogledao u vas jesam ali nisam vas prozvao. Ja ime i prezime Jasmin Begić, a to ste vi, ja to nisam izjavio i nemate pravo da se tako obraćate za ovom govornicom, vi barem nemate pravo, a znate vi jako dobro zašto.

**Vijećnik Safet Jašić**, ja mislim da opet idemo u krajnost. Gospodin Begić naravno da se bori, udruženje je privrednika i predsjednik je čak i naravno svi se bore za svoj status. Firma i od pet ljudi je firma i to treba poštovati i cijeliti i da sam sebe zapošljava i to je dobro. Ne treba to podcjenjivati. Nemojte opet me čude ove reakcije, ko ose ste napale na čovjeka privrednika koji će se vjerovatno proširivat u budućnosti, tako da nekako mi djelujete ko uljuljani nekako pa ne smije se ništa reći i odmah frontalno napadate. Tako da mislim da to ne treba tako ni prema jednom privredniku se ponašati, ne govorim da njega treba štiti, ali odrediti jednake uslove svima i olakšati im neke stvari kad su u pitanju dobijanje tih radnih dozvola. Ne znam, šta bi reko dalje po ovom pitanju, jer pominju se neki privrednici koji su na budžetu ko fol, a nisu ko fol nego su stvarno na budžetu, ali su privrednici i kad su napadali ovdje za vrijeme poplava i pravili plenuma nama, onda su ti privrednici bili dobri. Sad odjednom ne valjaju. Svaki privrednik je privrednik i treba cijeliti ko vodi mu firmu, možda nije ni bitno.

**Načelnik općine**, naravno da se sve smije reći i sve se treba reći. Treba razgovarati, tu nema nikakve dileme, samo treba biti direktan iznositi istinu, a ne iznositi ovdje laži. Mi znamo da je Maglaj bio u privrednoj dubiozi dugi niz godina, znamo i neke razloge zašto je, nemojte da sad kažemo to je ona vlast ili ova vlast. Znamo mi kako je Maglaj prošao u ratu, znamo kako je bio privredno orijentisan u glavama ljudi je bio „Natron“ i živjeti od „Natrona“ ne razvijati male biznise kao neke druge općine. Poslije rata slušali ste ovdje prethodnog načelnika da je nekoliko puta rekao prošle godine poslije rata daj postakli, daj povratnik, daj kuću, drugi razvijali privredu. Činjenica je da smo bili u grupi nerazvijenih općina. Mi smo danas prešli u rang veći, nalazimo se u kategoriji srednje razvijenih općina. To je rezultat našeg rada. U Informaciji ste imali pokazatelje koji govore o pozitivnom trendu na području općine Maglaj. Pozitivan trend i po broju privrednih društava, privrednih subjekata, broja uposlenih, prosječne plate samo ko hoće to da vidi, može da vidi. Ovdje se ne slažem dakle, gospodin Begić, mi se lično znamo, ali ne mogu prihvatiti neistinu ovdje iznesenu, uložili veliki trud, nisu mogli prići Načelniku, apsolutno netačno. Dakle, Načelniku može doći ko god hoće i kad god hoće, ne kad hoće, nego kad dogovorimo termin. Vi ste imali određene aktivnosti, nastupali javno itd. niste ni pokušali razgovarati ni sa Načelnikom, ni sa šefom službe, ni sa privrednim savjetom, ali ovdje zbog javnosti dakle, posljednji naš susret bio je prije skoro dvije godine. Dođe ova grupa privrednika koji su se pojavili na televiziji, traži da im se da 100.000,00 KM jer oni su tobože privrednici, samo treba dati u Budžetu planirana sredstva za poticaj malih i srednjih preduzeća. Moj stav je bio, nije nikakav problem, samo su slijedeći uslovi, javni poziv i kriteriji. Predložio njima, evo vi predložite kriterije, dostavite službi, usaglasit ćemo javni poziv da ide po prethodno utvrđenim kriterijima i ne može biti uslov da su to samo članovi udruženja. Dakle, svi privrednici, svi registrovni subjekti na području općine Maglaj. Kad se nisu mogle tako pare prebaciti živo na Budžet, nikad se više nisu ni pojavili. Toliko o uloženom trudu da se nije moglo prići Načelniku. Onaj ko danas plaća skuplje odvoz smeća nego struju, vjerovatno nema nekih elektro uređaja ili krađe struju ili krađe i smeće. Odluka o KGZ neustavna, 100% tačna. Trebalo je puno prije to riješiti. KGZ ukinut, Zakon o komunalnim naknadama, imate zakon pročitajte i pročitajte kako se ubire taj novac. Pogledajte kako je u drugim općinama i pogledajte zašto je namijenjen taj novac. Prema tome, to su gluposti kad kažete subvencije, nisu subvencije to nikakve, to su obaveze. Postojil i jedna uređena država, postojil iole država u Evropi da nema poreski sistem, ma ne postoji. A kako stvari stoje sa ovim političkim dogovorima sad ćemo platit još veće poreze. Dakle, to su zlonamjerna iznošenja neistinitih činjenica ovdje. Činjenica je istinita da je trebalo puno prije ovoga usaglasiti sa zakonom i da to nije urađeno. Dočekali smo to, evo uradili smo i to i uradit ćemo, ima još neusaglašenosti sa zakonom. Jedno po jedno dolazi na red da se rješava i rješavat ćemo.

Ne znam kakve ima veze sufinansiranje sela sa poticajem privrednika, ali odgovorit ću i to. To je jedan trend koji funkcioniše u skoro svim općinama u BiH, davno nazvan princip marku na marku, pa znate i vi Begiću molili ste me i za put i za most i meni je zadovoljstvo tamo gdje građani pokušavaju da riješe svoj problem da pomogne i Općina i Načelnik općine. Šta je suština toga, pa ljudi su spremni da ulože nešto u svoju lokalnu sredinu iz razloga što će proći puno vremena dok dođu na red čekajući sredstva s kojima raspolaže Općina, Kanton, pa do države. Drago mi je da smo puno projekata uradili, opet kažem po principu marku na marku, iako to nije takav odnos. Drago mi je što su građani zadovoljni i ima novih projekata koji će biti u planu kapitalnih investicija za iduću godinu, zato što to građani traže. Dakle, kad to građani traže, na zadovoljstvo ću izaći im u susret. A to što vi

tražite način da budete političar, da nekog kritikujete, to je vaš problem. Ružno je ovdje reći da neko nekom soli pamet. Ne možete ovdje, imate visoko obrazovanih ljudi, doktor Vehabović vam je odgovorio, to su ljudi koji su se opredijelili u svom životu da rade u nekoj od institucija. Mogu raditi i privatno i doktor Vehabović može raditi privatno, to je njegov izbor, hoćel raditi privatno ili će raditi u instituciji, hoćel raditi za jednu platu ili za puta 3-5 plata, ali ne želite da iznesete prave činjenice. Prave činjenice, ova priča koja je danas ovdje kreće od dopisa vezanog za odvoz smeća. O naknadi za odvoz smeća. Dakle, iznosite neistinu, iznosite laž da se Odluka nije primjenjivala 10-11 godina. Odluka se primjenjivala od trenutka donošenja na snagu, ali je neko nije primjenjivao u potpunosti. Šta to znači, to znači da su pojedinci koji su bili bliski, kad pročitam imena vidjet ćete kome su bili bliski, zloupotrebljavali i KJD i politički uticaj. U vašem dopisu sam i ja razgovarao sa direktorom KJD i dobio sam odgovor. Dakle, da još jednom podcrtam, nikakva nova odluka, nikakav novi namet i niko nije izvukao staru Odluku iz ladice da je počne primjenjivati. Primjenjuje se cijelo vrijeme, ali se primjenjivala selektivno. Selektivno se primjenjivala na način, pogledajte ko nije plaćao ili ko je prevario KJD na način da je prijavio manju kvadraturu. „Sjaj“ d.o.o. Maglaj, „Next Medija“, Auto servis „Loša“, „El-ing“ d.o.o. „Hajdić“ d.o.o., „Geo-put“ d.o.o. „Osmić“ d.o.o., „Transey“ d.o.o., Foto studio „Roni“, Trgovačka radnja „Dada“, „Buča-prom“, FM autoservis, Sejmenović Kosova, Magnet studio, Ijan Ilijam, Optika „Čakrama“, SZR „Mom“ i ima tu još drugih. O čemu se radi, radi se o tome da neki nisu bili uvedeni uopšte u obavezu i sistem, iako se odvoz smeća vršio. Tako su pojedine kompanije i „Hajdić“ i „Geo put“ itd. prihvatili činjenicu i koliko ja znam direktori izvršavaju svoje obaveze, a zašto ranije nisu bili, to pitajte nekog ko je bio ranije. Imate kategoriju ljudi u koje spada i naš današnji gost gospodin Begić koji je radio u jednom poslovnom prostoru, prešao valjda u drugi poslovni prostor, nije prijavio povećanje kvadrature i sad je KJD vjerovatno će direktor to detaljnije obrazložiti, sad je KJD zatražilo podatke od svih i uvelo sve u sistem ili uvodi sve u sistem sa stvarnim podacima. Kad budu svi u sistemu sa stvarnim podacima i iznosima, onda možemo uzeti odluku u razmatranje da vidimo da li u tom dijelu možemo, ima li ikakve mogućnosti da se ide u korist i privrednih subjekata i građana. Dakle, da ne bude ovdje pogrešno poslije vijeća rečeno, Načelnik obećo smanjenje, kad se sve uvede u sistem korektno, pošteno kako nije bilo onda se može dalje razgovarati o odluci koja vjerovatno treba da pretrpi određene izmjene. Mi moramo reći da u ovih desetak, jedanaest godina kako je odluka na snazi su se promijenili i određena dešavanja na terenu. Mi u tom periodu nismo imali velike privredne subjekte poput „HM“ i „Exsclera“, „Bontex“, ove kvadrature koje su od 8 do 10, 20 hiljada m<sup>2</sup>, to treba da se osvježi odluka i da bude onako kako bi to trebalo da bude. Direktor KJD vjerovatno ima podatke o kretanju tih naknada u drugim općinama.

O nastupu na FTV to me ni najmanje ne interesuje, pošto sam imao priliku da razgovaram odmah i sa pojedinim privrednicima i građanima, generalno je zaključak, nemoj gledati šta je rečeno, nego gledaj ko je rekao. A ja ću vam reći ko je rekao, jedan hoće partnericu u Općini da se zaposli, jedan hoće novac na privatni račun za instituciju, jedan hoće novac da bi on popravljao po gradu hoće iz Budžeta itd. e kad to kažete da tako ne može, onda više ne valjate. A ja to ponavljam da to tako ne može dok se mene nešto pita.

**Mehmed Bradarić**, ja za ove dvije godine imao sam priliku da razgovaram, surađujem sa privrednicima velikim privrednicima, velikim investitorima u našem gradu, u našoj općini, jedan od njih je „Bingo“ i čovjek je jednostavnim riječima rekao, ovo nije doživio da se ovako ekspresno riješi njegovo pitanje, pogotovo što je zemljište na kojem je rađeno da je to bilo privatno zemljište i veliku zahvalnost duguje Načelniku. Dakle, veliki investitor. Brzo će doći još jedan veliki investitor „Madi“, i došao je i čovjek zaista je jako zahvalan što ima izuzetnu saradnju i na raspolaganju u svakom trenutku i Načelnika i mene itd. Mi smo kad je u pitanju „Bingo“ intervenisali u dva navrata. Dakle, sjetite se da nismo htjeli da čovjek plati 10.000 m<sup>2</sup>, po važećoj Odluci nego smo čovjeku izašli u susret, da nismo, pitanje je da li bi čovjek i došao i da li bi danas imali to gore. Druga odluka je pitanje priključka vode. Sjetite se da su po odluci iz 2009.godine, dakle, ne treba ponavljati ko je tu odluku donio. Po toj odluci oni su trebali platiti po 6,50 KM/m<sup>2</sup>. Vi ste ovdje donijeli odluku da nije 6,50 KM/m<sup>2</sup> nego je 1,00 KM/m<sup>2</sup> i naravno da je čovjek mnogo manje platio to je na štetu KJD, on je mnogo manje platio za priključak nego da je plaćao po onoj odluci. Ali se postavlja pitanje da niste to uradili, bi li došao on ili bi drugi došli. Vama sam gospodine Begiću, da vi u zgradi koju ćete raditi 1600 m<sup>2</sup>, vi ste trebali platiti 17.700 KM za priključak, po ovoj novoj odluci, vi trebate platiti 2.700,00 KM za priključak, dakle ostat će vam u džepu 15.000 KM. Nije pošteno reći da ova vlast, da ovaj Načelnik nije ništa po tom pitanju uradio. Također znali smo za situaciju na pijaci koja je bila javni WC, srijeda, radnja se dešava u sedam sati, mene zove poslovođa i zove me komunalni radnik, 15 je njih izvršilo veliku nuždu javni WC, treba da počne pijaca. I onda smo uradili ono što smo uradili na civilizovan način i na standardan način u Geteborgu, u Štokholmu imate onako one pijace i smanjili smo ljudima 30% one njihove režije, koje opet je usvojio odnosno Načelnik i ono vijeće 2009.godine. Prema tome, nije pošteno govoriti da se ne razmišlja na takav način.

Sada vezano za ovo, hvala na prilici nisam često ovdje, ali sam se naslušao gluposti da to ne može Talgo voz sa 9 vagona povesti iz Sarajeva prema Maglaju.

KJD u ovom trenutku zapošljava 55 radnika, svi su prijavljeni, za sve plaćamo režije i tu nema nikakvih problema i poslovali smo prošle godine sa dobiti 250,00 KM. Načela na kojima KJD radi, jesu Zakon o komunalnim djelatnostima, Odluka o komunalnom redu, Cjenovnik iz 2003.godine i 2009.godine i jeste načelo da ono što radite mora biti jednako i pravično. Ja se tako i ponašam. Cjenovnik za građane i to je bilo pitanje. Dakle, građani

u državi BiH samo u Drvaru plaćaju vodu po 0,60 KM/m<sup>3</sup> i slijedeći je Maglaj. Otvorite internete i nađite, nije to teško danas naći. Nema gotovo da nema jeftinije vode za građane i gotovo da nema jeftinijeg odvoza smeća za građane. Razočarat ću mnoge sad što ću reći da KJD neće ići sa inicijativom o povećanju cijena za građane kad je u pitanju voda i kad je u pitanju smeće.

Kad su u pitanju pravna lica, imamo negdje oko 450 pravnih lica. Uočili smo nepravilnosti, rekao sam da funkcioniramo po principu cjenovnika i pravičnosti. Uočili smo da je cjenovnik potpuno devastiran, dođu ljudi pa te pitaju kako ovaj toliko a ja toliko. Ja nisam znao odgovor, sada ga znam. Dakle, oko 300 pravnih subjekata su odgovorili na naš poziv i dobili su iste račune, potpuno jedino ako se zajedno koristi i vodu i smeće pa je promjenjiva kategorija je voda pa se tu može mijenjati. Nema potrebe da oni dižu galamu. Oko 20 pravnih subjekata dobili su manje račune, recimo „Aura – osiguranje“, došo čovjek prijavio, donio dokumentaciju, prijavio 100 m<sup>2</sup>, pa kad je donio dokumentaciju imate 80 m<sup>2</sup> dakle, morate mu obračunati tako kako jeste. I 130 subjekata nisu imali nikakvu dokumentaciju, dakle dođe tamo i kaže i to je izazvalo nepravdu. Načelnice, vi ste čitali ko su, ima toga koliko god hoćete. Ja sam ovdje sa iskustvom ogromnim, jedan od najstarijih i ti ljudi nikada nisu otvorili vrata SDP-a i nisu čini mi se ni drugih političkih partija osim SDA. Dakle, to je to. Imate situaciju da 130 njih nisu dostavili dokumentaciju i morali su dostaviti. Jednom smo pisali, drugi put smo pisali, treći put smo pisali i nisu odgovorili i tražili smo onda dokumentaciju od relevantnih institucija ili na neki drugi način dobili smo podatke i tako smo postupili. Postupili smo na osnovu onih rješenja koja su oni donijeli, iako vjerujemo da su i tad slagali. Debelo vjerujem da su i tad slagali. Tih 130 pravnih subjekata plaćalo je mjesečno 2.520 KM. To sam Vama gospodine Adise, Vama dao u odgovoru, dakle, dnevno to košta 120,00 KM, a košta Vas 140,00 KM. Nije bilo pošteno. Tih 2520 KM je skoro malo manje od duplo koliko plaća Dom zdravlja i koliko plaća HM. Njih dvojica plaćaju 1.378,00 KM, a ovih 130 plaća 2.520,00 KM. Kako funkcionisati? Dakle, oni ljudi od tih 130, Begić na televiziji sam vidio jedan je od njih došao pa pitao kako „Next Medija“ kako Begić plaća toliko, a ja toliko. A Begić, tačno je Načelnice, 42 m<sup>2</sup> već je godinama, kaže mi iz privrede deset godina, a plaća 18 m<sup>2</sup> i to smo Begiću vrlo često uz opomenu, vrlo često pošaljemo opomenu da nam i to plati. „Sjaj“ to je najveća blamaža u državi BiH. Čovjek ima četiri stambena objekta, ni za jedan ne plaća marku, a naplaćuje od ljudi po 7,00 KM evo mu računa, naplaćuje od ljudi 7,00 KM za smeće uzima pare sebi, a ne daje nama. I zamislite molim vas još 1,20 KM PDV. Čovjek naplaćuje PDV i uzima sebi i još nam krade vodu dole na benzinskoj, ono autopraona. Krade nam vodu, pere vozila našom vodom. Naravno da ćete podnijeti prijavu. Svi oni koji su digli hampu, svi nas varaju. Svi nas varaju. Ima ih koliko hoćete koje smo prijavili, nije to od jučer. Dakle, ovoga Hajdića ili drugog Hajdića itd. prijavio sam odmah došli su ljudi fino prihvatili to što jeste i po cjenovniku. Imate skladišta, stovarišta, jedan, drugi, treći plaća nema paušala u cjenovniku nema paušala. I ne bi ni to bio problem i da ga ima, a za manje površine plati manji paušal, a za veće površine da plati veći paušal. Nego za velike površine neki paušal, „Pero“ 500 kg bure dižemo ga onim viljuškarom u kamion koji smo kupili, a svašta ima i za to nam plati 3,00 KM. To je ta nepravda koju vi više ne možete tolerisati. Kažem sve i jedan onaj galamdija, jedan od njih, danas je penzija, danas su tamo redovi, penzionera svaka im čast da plate, oni što su dužni, a jedan od onih galamdija duguje nam 200,00 KM za vodu. Foto „Roni“ dakle, nije platio vodu od poplave, a 98% ljudi je platilo. Auto servis „Loša“ duguje kao fizičko lice 200,00 KM i kao pravno lice nikada nije registrovan. Mi ga registrovali kao što smo mnoge registrovali. Stovarišta, skladišta, farme, ni jedna farma nije. Načelnice, nisam vam poslao dakle, morate intervenisati. Ni jedna farma nije evidentirana, pa morate intervenisati. Dakle, ne žale se ljudi na iznos mali ili veliki, ne žale, nego na nepravdu na koju vi ne možete odgovoriti i onda ste krenuli ni sad, nego odmah krenuli ste u to i stvari popravljajte. Neki Sema, nemam pojma kako se zove, onaj čovjek u Jablanici ima pilanu, Ogrič, čak nije ni on. Tri mjeseca ga zovemo da donese papire a uredno registrovan, ima registracijski broj, tri mjeseca zovem da donese papire. Krade šumu, pravi gore stolariju. Napravio nered gore oko prostora, pa smo ga poslali inspekciji da plat, i da očisti. S takvima mi radimo dragi moji prijatelji. I vama sam Adise odgovorio i vi ste bili u 22 m<sup>2</sup>, plaćali ste 22 m<sup>2</sup>, u Šeheru a imate 42 m<sup>2</sup>. Mi donijeli rješenje 42 m<sup>2</sup> i mi postupili po tome. Dakle, nema poskupljenja. I odgovorno tvrdim neće ga ni biti, a da biste uradili ovu Odluku, treba vam jako puno vremena pogotovo kad su u pitanju građani. Dakle, trebalo je tu uraditi pretpostavke, morate sve evidentirati, uvesti u sistem korištenja. 4700 korisnika je bilo kad sam ja došao, danas ih je 6800. Postojala opasnost da ljudi dođu svi i kažu, ja ti neću plaćati zato što onaj ne plaća, znam ko ne plaća. I tu zahvaljujem rukovodstvima MZ koji su nam dostavili spiskove i mi smo postupili po tim spiskovima. To je jedan od razloga zašto ona odluka iz 2009.godine je nehumana i ne možete otpočeti. Drugi razlog je taj što je moja intencija bila da se približimo svim korisnicima i to smo uradili na opšte zadovoljstvo. Ne bi ni ja plaćao da moram nositi smeće kilometar itd.. Dakle, nabavili smo mehanizaciju koja dođe pred vrata ljudima i treće morate naći model kako ćete to raditi. 130 ovih je nama trebalo dva mjeseca da nam dostave, znamo ko su gdje su, a kako ćete na 6.500 hiljada itd. To je ogroman posao i morate naći model, prema tome, sve se zasniva na dosljednoj primjeni cjenovnika, na pravednosti, na jednakosti i mi ćemo u tome istrajati. To što se ljudi ne slažu, to je njihovo pravo i rekao sam malo prije, neće niko od ovih privrednika, Ferhat je spomenuo Fiju, možete svi otići na tu stranicu i vidjeti kolika je dobit tih ljudi i sa kolika radnika. Neka hvala bogu, ali nemojte govoriti da vam uzeše posljednju paru, posljednju marku itd. kad nije istina. Rekao sam KJD ima dobit 250,00 KM, milion razloga idete u korekcije cijena, ali nećemo. Načelnice, na opšte zadovoljstvo svih građana svih korisnika, samo ćemo ovo ispraviti, jer ja neću tu inicijativu dostaviti

ovdje, nego ćemo na opšte zadovoljstvo građana ponašati se tako i opet ponavljam sa ljudima sa kojima sam susretao se, kažu da to nisu sreli ekspeditivnost, profesionalnost, Načelnika, kakvog mi imamo, a ja mogu sa moje strane izraziti veliku zahvalnost za milion projekata koje je naravno pomogao na način kao što je deponija „Nekolj“, pa vi pogledajte Zavidoviće, Žepče, nemojte uzimati Žepče za referentnu tačku, pa u Žepču plaćaju sad svi privrednici. Onaj najobičniji 370,00 KM mora uplatiti za vatrogastvo, to ova vlast ne traži ovdje itd.

**Vijećnik Adis Abdurahmanović**, ja ću se nadovezati na izlaganje gospodina Bradarića, slažem se s gospodinom Bradarićem da neke stvari treba dovesti u red, međutim, zar vi smatrate da mali privrednici koji plaćaju, plaćali su i niko ne bježi od toga, treba da namiruju dugove ovih velikih ne bi nikoga imenovao, ali vi ste spomenuli „Sjaj“ pa svi pričaju. Evo recimo „Sjaj“ i takvi. Dalje, istina je da je u cjenovniku iz 2009.godine ne postoji paušalno plaćanje, međutim od Maglaja prema dole Kosova, Moševac pa i moju ste radnju spomenuli u prijašnjim računima stoji paušalno, a ne kvadratura. Jesmol mi krivi za to? Znači, donesena je odluka 2009.godine koja nije bila realna, ma ko da je donio, istu stvar ste vi ovdje uradili s odlukama o čišćenju odžaka, s odlukama o pražnjenju septičkih jama i tad za nekih 5 godina dođe neko i početak primjenjivat odluku i reći nismo mi. Ko god da je nije uredna. Kad već pričamo, malo se ugledajte na općinu Tešanj ili Doboj-jug, gdje je za privredna društva smeće se plaća po m3 proizvedenog smeća, ne po m2. Gospodine Načelnice uz dužno poštovanje, lijepo ste vi probrali imena tih firmi, ja ću vam sad i druge, svi u Kosovi privrednici su plaćali paušalno. Sad imamo situaciju da jedan salon namještaja od 1000 m2 treba platiti 1.200,00 KM ili preko puta njega, čovjek koji ima 100 m2 i prodaje polovnu robu, gdje nema većeg artikla od 20,00 KM, treba platiti 120,00 KM i istina je gospodine Bradariću da sam dolazio lično tamo bili ste zauzeti pa sam razgovarao sa zamjenicima. To je bilo moje privatno, a ono što sam postavio ovdje na Vijeću ja nisam spomenuo sebe i svoju firmu. Ali razumio sam našto ste išli kad ste odgovarali na pitanje. Znači, niko ne bježi od plaćanja. Evo kod mene tačno u Novom Šeheru je bilo prikazano 20, baš mi je žao što nisam donio račune stare i nove, ali šta je se uradilo, gdje ste vi bili ove tri godine gospodine Bradariću, dvije. Tačno je da bi previše bilo da je prikazana prava kvadratura, pa su smanjili kvadraturu, ali da postupaju po cjenovniku, neko ko je bio prije, a ovi isto nastavili. Gospodine Načelnice, ove radnje koje ste nabrojali dole, sve radnje su plaćale isto, niko ne bježi od plaćanja, ali dajte da sjednemo, da pokušamo, mislim da to privrednici i traže da se pokuša napraviti neki cjenovnik, nemojte se ugledati na Tuzlu ili neke sredine gdje kroz jednu radnju danas prođe 100 ljudi, a ovdje u Maglaju 10. Jel realno da jedna radnja sa polovnom robom plaća 120,00 KM komunaliju, ali slažem se tužite svakog ko nije platio. Tužite, dajte da budemo realni. Ja sam ovdje prije par godina dolazio ne gledajući na politiku sa poplavljenim. Nisam gledao ko je, šta mi ovdje, čovjek je iznio predstavlja nekog ovdje i sad smo ga poklopili. Naglasio sam Doboj Jug i Tešanj znači po m3 proizvedenog smeća. Mislim da je to realno, a odluka ako već hoćete da je primjenjujete 100%, zašto ne primjenite, evo ja u Kosovi imam 200 m2 stambenog prostora, 14 feninga + PDV jel ja to trebam da plaćam 50,00 KM smeće za domaćinstvo, a plaćam unaprijed, platio sam ga za čitavu godinu. Ne bježim još jedno, jel realno da mi u MZ na selu plaćamo isto kao u gradu? Gospodo ja na selu i svi mi imamo jednu prostoriju gdje čuvamo smeće 7 dana, smrdi nam 7 dana, a vi izađete i u kontejner ubacite svako jutro. Dajte da se to, evo nećemo nikog kriviti. Dajte da pokušamo tu odluku staviti u okvire realnog, a slažem se KJD radi pravu stvar, dovodi neke stvari u red i slažem se svi ćemo plaćati. One koji ne plaćaju, dajte debelo da ih kaznimo svi zajedno. Nemojte mi se vaditi SDA, ovaj, ovaj, svi koji ne plaćaju neka plate. Gospodin Begić čini mi se da je suština priče bila, jeste slalo se i OV i Načelniku i vama gospodine Bradariću u KJD, pa jel teško tematsku sjednicu na tu temu, evo javnu raspravu sa privrednicima da predložimo nešto što ćemo svi biti zadovoljni. Nemojte molim vas da politizujemo. Znači, privrednici su u pitanju, ne bi nikog prozivao, ali nemojte da podcjenjujemo nekog ko zapošljava 1,2,5 radnika, svi smo mi privrednici, pa hvala mu svakom koji za jednog radnika plaća doprinos. Malo je gospodin Begić izašao sa onim soljenjem pameti, nije stvarno bilo mjesto, ali moramo uobziriti i da nije vjerovatno javno nastupao i da se malo unervozio, ali morate imati jednu činjenicu, ti isti privrednici od para tih privrednika koji uplaćuju doprinosa i ja ovdje koji sjedim kao vijećnik i vi svi koji ste na Budžetu primamo plate. Zato trebamo malo više da poštujemo te privrednike i da im izađemo u susret. Još jednom ću ponoviti. Svi koji ne plaćaju treba ih kazniti, treba dovesti u red, ali zaista mislim da ova odluka, ma ko da je donio ma u koje vrijeme nije realna.

Imat ćemo istu stvar za 5,7 godina kad neko dođe tamo u KJD i kaže eh sad ćemo primjeniti odluku iz 2018.godine. Pražnjenje septičkih jama, čišćenje odžaka dva puta godišnje privrednicima, čišćenje roštilja, ražnjeva, dajte malo realnosti. Ne bježim od plaća komunalne naknade, Načelnice, ali nije korektno od vas tačno ste izabrali evo ja ću za Kosovu reći tačno ste namjenski išli koga ćete pročitati. Svi u Kosovi su plaćati 15,50 KM paušalno što ne postoji u cjenovniku. Sad se primjenjuje po cjenovniku, i neka se primjenjuje, ali dajte da taj cjenovnik dovedemo u realno.

**Načelnik općine**, vijećniče Abdurahmanoviću, ja bih volio ova priča koju ste obrnuli da je zbog stida to što ste radili, pa da ste došli tobe, da ste zloupotrebljavali, uzimali tuđe, volio bih da ste zbog toga promijenili priču. Inače, vaša priča, vi niste došli sa inicijativom ni na Vijeće, ni Načelniku ni KJD da se mijenja odluka da se prilagodi itd. vi ste došli sa lažima, lažnom tvrdnjom da je neko izvukao iz ladice odluku koja se nije primjenjivala, pa je počeo primjenjivati. Dakle, to su laži notorne i ne treba ih drugačije zvati, nego da su laži. Ovo sad što ste pošli pričati je sasvim druga stvar. Volio bih ja kad izađete za govornicu da ste i konkretni i poduzetni. Ja vam pokazao i opet ću pokazati, nije Načelnik izvukao imena ovih firmi, dobio zvaničan dopis KJD, a ja sam

ovdje barem dva puta za govornicom rekao kada ste direktora napadali bez razloga, da je to što dobro radi. Rekao, dajte direktore molim vas dostavite nam da vidimo ko su sve ti koji i krađu vodu i ne plaćaju smeće itd. I evo opet molim, dostavite nam spisak svih ljudi, a onda kad si me već napomenuo spisak ovih ljudi nemojte ponovo zavaravati javnost, čuj mi plaćali paušalno. Dobili račun paušalno, a tamo prijavljena kvadratura. Prijavljena kvadratura netačna, to je osnovno, a da li je neko grijehio pa potpisivao paušalno ili po kvadraturi, to je druga stvar. Ovdje još jednu stvar tvrdite evo ja na prvoj strani stavio crtice, sve ove firme s crticama nisu ni jedna bile registrovano. Manji je broj onih koji su imali barem na prvoj strani, a u ovom trenutku nisam stigao da pregledam nisu uopšte bili registrovani. Zna li prva firma na popisu „Sjaj“ d.o.o. firma ne plaća ništa, a krađe gdje stigne, dobit ćete informacije. Ne plaća ništa, ne samo što ne plaća, nego naplaćuje to što ne plaća, pokazao vam je to direktor. To su činjenice, da naplatite podstanaru odvoz smeća PDV itd. a ne platite onom ko je vršio odvoz. To razvrstajte od dobre namjere, to nije dobra namjera, to je krađa države, to je državna institucija. Krađa države. Dakle, Abdurahmanoviću navodite netačne stvari, iznosite laži. Imali ste prijavljenu kvadraturu lažnu i to je sva činjenica i nemojte se posipat pepelom, recite jeste, to je kvadratura, ovo je meni puno plaćati, ja pokrećem inicijativu za izmjenu odluke itd. a neko će sagledati i ne donosi odluke ni KJD ni njihov Nadzorni odbor, niti Načelnik, niti resorna služba, donosite vi vijećnici. Postojeće odluke, postojeći cjenovnik donijelo vijeće i ja sam sjedio u tom vijeću nisam 2003. ali 2004.godine jesam.

**Predsjedavajuća**, ja smatram da je naša obaveza kao „zakonodavnog tijela“ da vodimo računa da se naše odluke, odnosno naši propisi na lokalnom nivou primjenjuju na način na koji i jesu propisani. Dakle, mi trebamo štiti odluke i dorađivati ih u fazama kad treba da budu dorađene. Ono što može a to manje više svi diskutanti govorili, jeste da ovo Vijeće možda treba da razmotri ili na neki način da se uvrsti u Program rada OV za narednu godinu nešto što će se ticati ove odluke ili konstruisanja te odluke, preformuliranja određenih dijelova, ali mislim da smo mi ti koji trebamo biti na strani zakona i na strani propisa i insistirati na provođenju propisa kada je lokalna zajednica u pitanju. Mislim da ne trebamo koristiti svoj vijećnički mandat da rješavamo privatna pitanja, nego upravo da insistiramo na provođenju odluka OV na dosljedan način. Dakle, to je ono o čemu ovo vijeće treba da vodi računa, a ne da nastupamo mimo odluka koje su na snazi još uvijek, ta odluka iz 2009.godine je na snazi, a ovo što je rađeno mimo te odluke bolje da i ne spominjemo da ne bi imalo i nosilo neku drugu težinu.

Da li ima još vijećnika za diskusiju, mislim da će biti svakako prilike da se o tome govori u nekom narednom periodu i da se sve činjenice podastru kad se o tome bude govorilo.

Zaključujem raspravu po ovom pitanju, izneseno je nekoliko sugestija, konkretnih prijedloga koje je u prvoj diskusiji gospodin Abdurahmanović iznio a može se ticati našeg Programa rada za narednu godinu, pa vas molim gospođine Abdurahmanoviću da to kroz inicijativu ili kroz Nacrt našeg Programa rada OV za narednu godinu dostavite, da vidimo da se razmotri za prijedlog rada OV u narednoj godini. Drugih konkretnih prijedloga nije bilo po pitanju ove informacije, uz ovu sugestiju koju sam rekla, predlažem da

- Informacija o stanju obrta, malog i srednjeg poduzetništva na općini Maglaj, se prima k znanju.

Tehnička pauza na zahtjev Kluba SDP-a.

AD – 10 Informacija o poticajima u poljoprivrednoj proizvodnji na području općine Maglaj u 2019. godini;

Otvaram raspravu

**Vijećnik Firuz Galijašević**, Klub SDP-a prima k znanju Informacija o poticajima u poljoprivrednoj proizvodnji na području općine Maglaj u 2019. godini.

**Vijećnik Hajrudin Ferić**, sugestija za ubuduća vremena, molim vas da u ovoj Informaciji dostavljate grafiku u kojoj će se pokazivati po godinama ulaganje planiranih sredstava poljoprivredne djelatnosti, izvršenje za tu godinu i barem da uzmete pet godina unazad, to nije problem, ni u Exselu, ni u bilo kojoj drugoj aplikaciji. Ja sam sebi vadio ovdje, ali sam obećao da neću usporavat rad ovog Vijeća pa neću ni iznositi.

**Predsjedavajuća**, zaključujem raspravu i predlažem da se

- Informacija o poticajima u poljoprivrednoj proizvodnji na području općine Maglaj u 2019. godini, se prima k znanju, uz sugestije:
- Da Služba ubuduće ovu Informaciju dostavlja uz grafikon u kojoj će se pokazivati po godinama ulaganje planiranih sredstava poljoprivredne djelatnosti, izvršenje za tu godinu i barem da uzmete pet godina unazad.

AD – 11 Informacija o stipendiranju studenata sa teritorije općine Maglaj za školsku 2018/ 2019.godinu;

Otvaram raspravu

**Vijećnica Šahman Anida**, Klub vijećnika SDP-a Informacija o stipendiranju studenata sa teritorije općine Maglaj za školsku 2018/ 2019.godinu, prima k znanju i nemamo nekih sugestija budući da su statistički podaci.



**Vijećnik Hajrudin Ferić,** želim predložiti službi kada bude utvrđivala prijedloge odluka i kriterija za narednu studentsku godinu zajedno u saradnji sa Komisijom za obrazovanje, kulturu, sport, malo porazmisli da se ovaj planirani iznos sredstava koji bude neutrošen, dešavalo se i prošle godine da je neutrošen pa smo nekim naknadnim odlukama na OV intervenisali da se utroši dobar dio sredstava, da se iznađe mogućnost da se eventualno u drugom krugu poveća visina naknade studentima koji jesu dobili, jer u posljednje vrijeme primijetim da su povećane stipendije i kad je u pitanju Ministarstvo za boračka i kad je u pitanju Ministarstvo obrazovanja, bojim se da ćemo doći u situaciju da nam sve manje bude zainteresovanih da apliciraju, a mislim da bi bilo i korektno i fer onim studentima koji studiraju i koji zadovoljavaju kriterije nešto se dodatno i poveća kao neki bonus, o tome se da razgovarati. Također mi smo ovdje u nekoliko navrata pominjali da se stavi, proba, analizira, vidi i mogućnost nagrađivanja onih najboljih studenata, to ne mora da bude u okviru ovoga, ali za razmišljanje ova dva subjekta kada budu razgovarali. Naravno da ima tu nešto što smo mi prošle godine intervenirali na vaš prijedlog Načelnice, a to da se i onim koji idu na magistarske studije također uvrste u ovu stvar. Da ne pristupamo površno kad budemo radili tu novu odluku i kriterije, nego evo da sagledamo sva ova iskustva do sad.

**Predsjedavajuća,** zaključujem raspravu i predlažem da se

- Informacija o stipendiranju studenata sa teritorije općine Maglaj za školsku 2018/2019.godinu, primi k znanju uz iznesenu sugestiju:
- Da Služba kada bude utvrđivala prijedloge odluke i kriterija za narednu studentsku godinu zajedno sa Komisijom za obrazovanje, nauku, kulturu i sport, malo razmisle da se planirani iznos sredstava koji bude neutrošen, da se iznađe mogućnost da se eventualno u drugom krugu poveća visina naknade studentima koji su dobili stipendije po utvrđenim kriterijima.

AD – 12 Informacija o priznavanju prava na novčanu egzistencijalnu naknadu demobilisanih branitelja.

Otvaram raspravu

**Vijećnik Hajrudin Ferić,** Pošto sam puno slušao SDA, SDP, da ja kažem da je i DF prije nekih mjesec dana organizovao javnu raspravu o temi primjena Zakona o pravima demobilisanih boraca i članova njihovih porodica i ono što je bilo prijatno iznenađenje organizatorima jeste veliko interesovanje koje je vladalo i posjeta koja je bila na toj javnoj raspravi. Puno toga je postavljeno nekakvih pitanja, dilema, ali isto tako i moglo se čuti dosta interesantnih informacija kojima u mnogome i ova Informacija koju danas imamo na dnevnom redu daje odgovore i zahvaljujem se Službi, što je napravila jednu ovakvu decidnu ali prilično jasnu informaciju. Izražavam samo žaljenje što se ona svela samo na ovaj dio primjene zakona, kako se ona tu zove, ta nekakva naknada gdje se utvrđuje pravo od 5,00 KM demobilisanom nezaposlenom borcu koji zadovoljava kriterije. Ovaj Zakon koji je stupio na snagu tamo negdje početkom oktobra puno više nekih prava daje toj boračkoj populaciji i daje i neke obaveze, ne samo federalnim organima vlasti, nego i kantonalnim i lokalnoj samoupravi, dakle nama, Općini, OV, odnosno Službama. Ja ću samo pomenuti neku od tih odredbi koja se primjenjuje ili ne primjenjuje ali sam analizirao i vidio da nismo usaglasili svoje propise, govorim o općinskim propisima, nismo usaglasili sa ovim zakonom i ja između ostalog jedna od tih je i oslobađanje od plaćanja komunalnih, KGZ, renti, pod određenim uslovima kad se rješava stambeno pitanje, kad se vrši dogradnja, legalizacija itd. U našoj odluci o građevinskom zemljištu nema tog prava i mogu sad da pobrajam još podosta nekih stvari od zapošljavanja, zdravstvene zaštite od drugih nekih beneficija, prioriteta kad je u pitanju zdravstvena usluga, ali to su na lokalnom nivou neke sitnice koje puno mogu značiti tim ljudima, toj kategoriji. Sa ovog aspekta iniciram, predlažem da mi dobijemo jednu informaciju za slijedeću sjednicu, prva sjednica u novoj godini, da dobijemo jednu sveobuhvatnu informaciju sa popisom akata koje bismo mi trebali kao OV odnosno Općina da usaglasimo sa tim pravima tih demobilisanih boraca i članova njihovih porodica. Ne mislim otvarat tematsku raspravu, ali za nas je to simbolički, a za te ljude koji budu dolazili u situaciju da im trebaju ta prava mogu biti od izuzetne važnosti. Da budemo ti koji idemo u korak i koji poštuemo zakon.

**Vijećnik Bešić Mustafa,** naš Klub će podržati ovu Informaciju, ono što mi je drago i što smo uspjeli riješiti ovo govorim uspjeli riješiti jedan dio demobilisanih boraca. Želim da vas napomenem prije 2-3 godine odavde je krenulo to rješavanje pitanja demobilisanih boraca na čitavoj federaciji. Bio sam jedan od aktera sigurno vam mogu kazati koji je pokrenuo ovo sve. Mnogi su nam se smijali, nisu bili uz nas oni koji su trebali da budu, raznorazna udruženja, komandanti, zlatni ljiljani. Ovo što smo uradili sigurno nije dovoljno, ali smo pokrenuli. Pokrenuli smo nešto i sigurno ovi ljudi koji su bili '92-'95. zaslužuju da to imaju. Normalno mnogi ljudi sebi prepisuju sad političke partije, kad smo mi krenuli odavde iz Maglaja, svi dobro znate i koliko smo puta bili u Zenici, ja sam dvije kazne dobio na osnovu ovih stvari, ali mi je drago što sam dobio. Dokazali smo da obični ljudi oni koji su branili BiH, ponovo mogu da urade nešto. Sad pojedini ljudi dođu i prepisuju to sebi, to nije tačno. Nije tačno, dakle, mi demobilisani borci smo se sami organizovali. Da nam je htio neko pomoći, ne bi čekali 20 godina da nam se riješi to. Želim da kažem sad se nastavlja to, pokrenuto je to i vjerovatno će se riješiti još dosta toga. Jako mi je drago što je pokrenuto to. Pročitat ću ovdje Služba što nam je dostavila imamo 195 ljudi koji su ušli u

zakon, koji već primaju ta primanja. To su ljudi koji imaju najmanje 57 godina, znači 1962. godište je ubrojano u to. Jako mi je drago, znam po MZ koliko ima ljudi koji nemaju primanja. Dođe traže ovdje od Načelnika, mole, zašto da mole ako imaju pravo imaju sad neku egzistenciju 7-8 KM po danu, imaju otprilike sebi kupiti hranu da nisu gladni.

**Vijećnik Nedžad Lokmić,** Klub vijećnika SDP-a prihvata Informaciju o priznavanju prava na novčanu egzistencijalnu naknadu demobilisanih branitelja, uz jednu pohvalu i Službi koja je odradila ovaj posao. Dakle, pohvalu Službi i neću ponavljati ono što je gospodin dopredsjedavajući već istakao i mi smo mislili istaći neke od tih misli, ali možda samo jedna napomena kod tačke 5. Ove Informacije da je to samo jedna faza ove informacije, dakle slijede naredni koraci, to je postupak da se sve te odluke šalju na revizornu grupu koja će to potvrditi i nakon toga proces je još živ i slijede upisi u Federalni dosije i naravno isplate shodno tome.

**Vijećnik Fikret Delić,** kao što kolega Ferić reče ovdje je bila javna tribina koju je DF organizovao i ja sam prisustvovao toj javnoj tribini i ja sam isto iznio svoje mišljenje i sad ću iznijeti. Ponovit ću da je ovaj Zakon pod pritiskom donesen i da on nije ni malo dobar. Ja kao borac od tog zakona nemam ništa i bolestan sam, a neću sad govoriti o sebi. Gospodine Bešiću, tvoj tetić leži u bolnici bolestan izgubio je dva brata. Jedan brat mu je osto na neprijateljskoj teritoriji zaklan je, meni je žao što ovo govorim ovdje. Ukopan je bez dijelova tijela, on leži niko mu nije došo, niti će doći mu pomoć. Ja imam tačnu informaciju, već je pet boraca umrlo, znači nije više ta cifra. Imamo u Čobama tačnije na Luci, čovjek je umro, dole na Luci čovjek umro. Svaki dan umiru, sve je to u redu. Ima borac koji je bolestan, koji leži koji ne može lijekove kupiti, a ima 54, 55 godina. Oni se nigdje ne spominju. Nigdje ih nema ni u kakvom zakonu. Ova prava što su imali već nekoliko godina sem ove nadoknade od 5,00 KM, ostalo su imali pravo za liječenje, jednom godišnje. Meni je zaista žao što nemaju bolesni borci koji su dali sve za ovu državu a mlađi su od 57 godina, a ima ih koji su i po dva-tri puta ranjavani. Jučer sam bio na obilježavanju 4. Decembra u Kopicama baš gdje se ta borba vodila i gdje su ti ljudi pobijeni. Pričo sam sa ljudima i zaista su bolesni, a nemaju nikakva prava. Bilo je iz Šehera, iz Čoba, a koliko ih takvih ima, mislim da vi svi znate i u Kosovi, Moševcu da takvih ljudi ima. Najveći nam je problem bolesni ljudi, bolesni borci koji su dali sve za ovu državu a danas nemaju ništa od ove države.

**Vijećnik Safet Jašić,** Zakon ma kakav je donesen bolji je nego da nema nikakav. Zakon je donesen takav kakav jest i može se dograđivati itd. Demobilisani borci širok pojam i ja govorim da ovaj zakon nije dobar i ja sam demobilisani borac, mada rijetko to govorim možda više nije ni popularno to govoriti, kako je neko bio borac ili nije itd. Ne osjećaju se ni oni ljudi koji su se zaposlili poslije rata baš komotno i da kažu evo dobar je zakon. Kažu oni bar neki dodatak da bi trebao na to ići za taj provedeni staž u ratu. Tako da ima i ova srednja kategorija o kojoj su prethodnici govorili isto nezadovoljna. Onome kome se posrećilo da ima te godine i da uđe u taj zakon, to je tako. Međutim, slažem se nemojte niko govoriti da je ovdje neko nekog natjerao, istina je ono što se pod pritiskom donese vjerovatno nije dobro i klimavo. Ovaj zakon treba pratiti i dalje i na jedan fin kulturni način i polahko da se svi borci demobilisani uvedu u neko pravo makar to bilo i simbolično. Slažem se da ima i bolesni i da je dosta koji nisu ni ovo doživjeli i mlađih boraca. Ja ne volim o ovome pričati, i ja sam izgubio skoro čitavu porodicu i žao mi je, ali nek bar neko ima način i treba iznalaziti načine za ove koji su zaista trenutno bolesni a ne mogu ispuniti imaju manje godina, nego kako ih zakon tretira. Ne treba se ovdje niko kititi ni ovdje ni bilo gdje treba za borce dati što se može dati, a sigurno je da OV, Općina malo toga može dati i zna se i da to ide onoliko koliko može. Međutim, gore su budžeti veći, gore su budžeti gdje treba ići na to i da se to odozgo sa državnog nivoa krene završavati.

**Vijećnik Hajrudin Ferić,** dopuna prijedloga zaključka, samo da predložim nešto u skladu sa mojim zaključcima kad sam rekao da nam Služba pripremi informaciju sa popisom ovih dokumenata općinskog nivoa koji bi trebalo da se izmijene i da se uvrste ova prava, nemamo nažalost, neko reće bili su i prije zakoni, ali nemamo u općinskim odlukama.

Drugo obzirom da dosta tih prava su uslovljena, odnosno zavise od institucija kantona, od nadležnog ministarstva, govorim to je tačno decidno rečeno u ovom Zakonu o pravima demobilisanih boraca i članova njihovih porodica i između ostalog i za demobilisane borce ispod 50 godina Fikrete da je nadležan kanton.

Ja samo predlažem da se našim poslanicima odavde iz Maglaja sugeriše da na jednoj od narednih sjednica Skupštine ZDK podsjetite na obavezu Ministarstva, odnosno nadležnih organa da i oni izvrše svoj dio obaveza po ovom Zakonu o demobilisanim borcima. Tu bi se možda moglo naći dosta i rješenja koja bi koliko toliko ublažila ovo teško stanje sa tom kategorijom stanovnika.

**Predsjedavajuća,** zaključujem raspravu i predlažem da se

- Informacija o priznavanju prava na novčanu egzistencijalnu naknadu demobilisanih branitelja se prima k znanju.

## ZAKLJUČAK

**12.1.** OV traži od Službe za BiZ, opću upravu i društvene djelatnosti da se dostavi jedna Informacija za prvu sjednica u novoj 2020.godini, da Informacija bude sveobuhvatna sa popisom akata koje bi trebali OV, odnosno Općina da usaglasimo sa pravima demobilisanih boraca i članova njihovih porodica.

**12.2.** OV sugeriše kantonalnim zastupnicima u Skupštini ZDK da na jednoj od narednih sjednica Skupštine ZDK podsjetite Ministarstvo odnosno nadležne organe da i oni izvrše svoj dio obaveza po ovom Zakonu o demobilisanim borcima.

**Glasalo za 13 glasova za:** Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

**Glasalo 11 glasova uzdržanih:** Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Dženita Smajlović (SDA), Mustafa Buljubašić samostalni vijećnik, Josip Jurišić (HDZ BiH).

## BRIFING NAČELNIKA OPĆINE

- Prvo bih vas informisao da ono što ste već ranije imali dio informacija sa IT Akademijom gdje su partneri Općina Maglaj, JU Dom kulture i kompanija Nsoft Spark, ide puno bolje nego što je očekivano. U pripremi je i otvaranje IT kompanije i upošljavanje novih uposlenih na području općine Maglaj iz IT sektora. Ono što je posebno pozitivno jeste činjenica da postajemo interesantni i za mlade iz regije kad je u pitanju IT Akademija, tako da imamo prijavljenih ovdje za školovanje, za obuku iz IT sektora i mladih koji nisu sa područja općine Maglaj.
- Želim vas informisati da i kompanija „Madi“ svoje poslovanje širi i na području općine Maglaj i naravno da niko od aktivnih privrednika neće biti ugrožen sa svojim poslovanjem.
- Ono što me žalosti jeste da ću možda više pričati o ružnoj temi. Upoznati ste s novom paljevinom na području MZ Jablanica. Pored toga u posljednje vrijeme smo imali i napad najmanje na jedno službeno lice i na imovinu jednog službenog lica. Nažalost ranije smo upozoravali, posebno me žalosti odnos odgovornih osoba koje su izgleda na strani onog oboljelog dijela u policiji, a ne na strani zakona i najvećeg dijela vrlo časnih, poštenih i odgovornih uposlenika MUP-a. Samo želim da vas informišem da smo pozivali i aktuelnog ministra i komesara tokom septembra mjeseca da dođu u Maglaju da konačno riješe nagomilane probleme u Maglaju. Dopis je upućen na slijedeće adrese: Ministarstvo unutrašnjih poslova n/r Ministra Darija Pekića, n/r policijskog komesara Semira Šuta, Komisiji za nadzor rada policije Skupštine ZDK, Policijskoj upravi Zavidovići n/r načelnika Vedada Šečića i komandira PS u Maglaju gospodina Alena Mušića. U dopisu između ostalog stoji još jednom apelujem da pod hitno poduzmete sve potrebne aktivnosti na aktiviranju i procesuiranju počinitelaca kao i rješavanju problema u PS Maglaj. U protivnom bit ćemo prinuđeni da zaštitu tražimo od FMUP-a i SIP-e. Iz tog razloga vas pozivam na sastanak u Općinu Maglaj u terminu od 12-15.09. ili od 23.do 25.09. shodno vašem raspoloživom vremenu. Ni jedna od navedenih osoba od komandira PU Zavidovići, pa do komesara i ministra se nisu oglasili, nisu se udostojili ni da dostave bilo kakvu informaciju da kažu da su zauzeti da ne mogu itd. a taj poziv je bio alarm za nastavak dešavanja koja su bila na području općine Maglaj, najviše na području mjesne zajednice. To je žalosno i da kažem i bolno. Nažalost ni jedan se nije udostojio da odgovori na poziv. Pored toga na dopis MZ Jablanica iz Komisije za nadzor rada iz policije su im odgovorili da mještani Jablanice koji s pravom izražavaju bojazan da ljudi nisu u pravu. Evo dopis Uprava policije za profesionalne standarde. Pazite Jedinica za profesionalne standarde. Nakon toliko paljevina, napada problema itd. u posljednjoj rečenici kaže Ured za pritužbe javnosti na svojoj sjednici održanoj dana 15.10.2019.godine je konstatovao da prihvata izvještaj Jedinice za profesionalne standarde od 23.09.2019.godine kojem se navodi vaše pritužbe ocjenjuju neosnovanim. Dakle, građani Jablanice, predstavnici MZ Jablanica su uputili samo fakte činjenice i nešto manje od 20 slučajeva na području samo MZ Jablanica je ocijenjeno od te komisije da je to ništa i da građani nisu u pravu što ih je strah šta se dešava u njihovoj MZ. Moram napomenuti da se Komesar nije odazvao niti prošle godine na poziv za sastanak zbog ranije preuzetih obaveza. Tom sastanku su se odazvale druge osobe, evo slika sa tog sastanka. Dakle, nije mogao prisustvovati sastanku zbog ranije preuzetih obaveza, a onda otišao u kampanju sa tadašnjim premijerom Galijaševićem u Žepče na požar koji je bio na jednom od objekata. Vjerovatno ranije preuzete obaveze, ljudi znaju ranije kad će se negdje nešto zapaliti. Sve ovo što navodim je provjerljivo. Prije više od godinu dana Načelnik Šečić i gospoda iz Ministarstva ispred Ministarstva i ispred Komesara su izjavili da su pri kraju istrage. Dakle, ispod ove slike između ostalog da ne čitam ko je sve bio prisutan stoji: Ovo je usaglašena izjava sa njima, predstavnici MUP-a ZDK su informisali Općinskog načelnika da su značajni pomaci postignuti u rasvjetljavanju ovih slučajeva paljevina na području općine Maglaj. Za sada su negdje oko 2/3 prikupljeni dokazi, materijali i protiv osumnjičenih lica će uslijediti dalji zakonski postupci. O narednim detaljima koje budu imali informisat

će Općinskog načelnika. Od tada do danas informisani nismo ni o čemu, izuzev sastanka brzog nakon one sjednice Vijeća kad smo iznijeli ovdje probleme da imam , kada su došli, kada je došao Načelnik PU, pa između ostalog da me pitaju, da li ja imam privatnih problema sa nekim iz PS. Eto toliko se brinu o problemima koje imaju građani.

Dakle, do danas kad su u pitanju paljevine u Jablanici, nemamo informacija pa mi se čini da nisu ustanovili ni kad gore sviće ni kad se smrkava, a kamo li šta se gore dešava. Ako jesu neka saopće nije problem, ja ću se javno izvinuti, ali ovdje kako stoji da će informisati Načelnika nisu informisali, nikakvih podataka nemamo. Pozivali na sastanak i nisu došli. Ja znam da će ovo mene da tako kažem koštati, ali na putu istine sigurno neću stati, to mi je obaveza spram građana. A još nismo otvorili pitanje droge na području općine Maglaj. Vrlo opasno pitanje. Vjerovatno ću s obzirom na neažurnost nadležnih policijskih struktura iz Kantona vjerovatno ću sve ove materijale vrlo brzo proslijediti Federanoj upravi policije i prema SIP-i kako je to stajalo i u onom dopisu i da ne bude zabune, PS u Maglaju i Komandir PS u Maglaju gospodin Alen Mušić i ja imamo dobru saradnju. Ovdje se radi o dijelu policijske strukture u PS Maglaj koji rade radnje mimo komandira, mimo propisanih pravila i naravno organi iznad PS koji za ovo vrijeme još ništa nisu uradili na ovim dešavanjima. Mi još nismo dobili ni informaciju šestomjesečnu o stanju bezbjednosti na području općine Maglaj, ako se ne varam a prva trećina decembra teče.

- Ne bih danas više, još da kažem jednu veseliju informaciju. Za naše mališane u pripremi lijep novogodišnji program, šlager uz kićenje grada pa se nadam da će i uživati u tome, a mi se svakako vidimo na još jednoj sjednici Vijeća do kraja mjeseca.

## VIJEĆNIČKA PITANJA I INICIJATIVE

**Vijećnik Firuz Galijašević**, podnosim inicijativu za djelimičnu izmjenu regulacionog plana „Centar Maglaj-sjeverni dio“ i to u obuhvatu između Mješovite srednje škole i željezničke pruge, te dijela Bosanske ulice od kružnog toka do podvožnjaka i rijeke Bosne.

U ovom dijelu regulacionog plana još uvijek se štite predviđene trase saobraćajnica koje nisu više realne i nema potrebe za istim, jer su u međuvremenu izgrađene nove saobraćajnice i rekonstruisane dosadašnje i to ulica od T objekata do kružnog toka i od kružnog toka do podvožnjaka i dalje do M-17.

Predviđene trase saobraćajnice koje se štite regulacionim planom ugrožavaju interese građana koji ne mogu ostvariti svoja prava, a i postojeći stambeni objekti su predviđeni za rušenje.

Izmjenom regulacionog plana izmijenio bi se režim saobraćajnica a i cijeli ovaj prostor prilagodio interesima građana i općine Maglaj na taj način da bi regulacioni plan bio „provodiv“.

**Vijećnik Adis Abdurahmanović**, jedno pitanje i jedna inicijativa.

Postavljam vijećničko pitanje, realizacija plana kapitalnih ulaganja za 2019.godinu usvojena na 23. sjednici OV. Konkretno me zanima izrada projektne dokumentacije za put Husići-Šljivice, u kojoj je fazi izrada projektne dokumentacije za pomenutu dionicu.

I ova inicijativa iz moje diskusije sa 9. tačke, predlažem održavanje Tematske sjednice o stanju privrede u općini Maglaj.

**Vijećnik Hajrudin Ferić**, pokrećem inicijativu:

Da predstavnici Službe za društvene djelatnosti i Centra za socijalni rad organizuju posjete svim šticienicima, korisnicima usluga ovih objekata socijalnog karaktera na području BiH, a u svjetlu ovih dešavanja u Domu za nezbrinutu djecu „Pazarić“. Naime, imam podatke, imam informacije da je, dakle tako i stoji da je krajem, odnosno početkom 2019.godine 16-tero naših sugrađana bilo smješteno u takve ustanove, čini mi se da ima u Bakovićima i još dva mjesta. Jednom godišnje se oni posjećuju, to su najavljene posjete, međutim, upravo iz ovih razloga predlažem i sugerišem da se obidu i da nam se dostavi određena informacija u razgovoru sa njihovim šticienicima i samim korisnicima tih usluga. Ono što bi također bilo dobro, ali zahtijeva više vremena i da se obidu staratelji one djece koja su data na staranje u te neke porodice van one porodice, a ima i takvih desetak. Sve govorim o podacima koji su bili zaključno sa 2018.godinom. To je ono najmanje što mi možemo da učinimo kao lokalna zajednica, da ta delegacija ode, obide i utvrdi kakvo je stanje, odnosno kako se postupa s njima i da nam duša bude mirna.

**Predsjedavajuća**, zaključujem današnju sjednicu u 12,45 minuta.

Zapisničar,  
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

